

Gavman ting long kirapim beng bilong ol wokman

PAPUA NIUGINI Tret Yunion Kongres i no amamas long toktok Praim Minista Paias Wingti i bin mekim long tingting bilong ol Yunion long mekim wanpela stop wok long belhat bilong ol long 1988 baset bilong gavman.

Jeneral sekreteri bilong PNG Tret Yunion Kongres Lawrence Titimur i tokim wanpela bung wantaim ol niusman olsem Praim Minista i no kisim gutpela toksave long taim em i mekim dispela toktok.

"Mipela i no inap long straik long wanem lo i tambuim mipela. I luk olsem Praim Minista i no save olsem ol wokman i no inap straik nating", em i tok.

Ol yunion i ken straik sapos i gat wanpela tok kros namel long ol memba na ol papa bilong kampani o gavman. Ol yunion i mas kisim tokorait tu long rejistra bilong bosim dispela kain kros, ol plis na ol loya bilong ol. Orait bihain ol i ken straik.

Ol yunion i no amamas tu long tingting bilong gavman long kirapim kepitel gens teks na putim mani bilong ol memba bilong ol long NPF i go long ol beng.

Ol i tok "dispela em mani bilong ol wokman na meri na gavman i mas kisim toktok bilong ol pastaim na mekim dispela pasin."

Long Tunde bilong dispela wik, Sekreteri bilong Fainans John Vulapindi i bin bung wantaim ol lida bilong yunion long kisim sampela toktok bilong ol. Ol yunion lida i amamas long dispela long wanem nau ol i ken givim ol tingting na hevi bilong ol long gavman.

Long dispela bung Mista Vulapindi i tokim ol yunion memba olsem gavman i tingting long kirapim wanpela wokas beng. Na bai ol i statim dispela beng long mani bilong ol memba bilong NPF.

Long Trinde 25 Novemba, samting olsem 100 memba bilong ol yunion i bin bung long Mosbi long harim toktok bilong ol lida bilong ol na tu long givim sampela toktok bilong ol. Dispela bung i bin kamap long belo na i no wanpela stap wok.

Mista Titimur i tok olsem wankain bung i bin kamap long planti hap bilong kantri na long Mosbi yet ol lain husat i kamap long bung i wanbel long tingting bilong yunion long egensim tingting bilong gavman long yusim NPF mani.

Ol memba long dispela bung i wanbel tu olsem bai gutpela sapos gavman i kirapim wanpela beng bilong ol wokman. Ol lida

JOSEPH KAU i raitim

bilong yunion bai kisim toktok bilong ol memba i go bek long gavman nau. Sampela pablik sevan i stap tu long dispela bung na givim sapot bilong ol tu.

Bung i bin pinis bihain long belo na ol memba i go bek long wok.



• Lawrence Titimur



Taim bilong yusim poto bilong laisens na ol ID Kat

OL pipel long Westen provins wok long yusim ol Poto kopi masin long prinim ol poto bilong ol long laisens bilong draiv na ol ID kat bilong wok bikos i no gat ples bilong prinim ol kempen posta.

Dispela bikpela wok i kamap nau long redi long Flai Riva Provinsal Ileksen em bai stat long Sarere 28 Novemba.

Ol Poto kopi masin long Kiunga, Daru na Tabubil i wok long paia stret bikos planti ol kandidat i wok long yusim ol masin ya long prinim ol kempen posta pepa bilong ol.

Long mekim ol pipel i luksave long pes bilong ol kendidet i yusim ol piksa bilong ol i stap laisens bilong draivim ka. Na ol man i wok wantaim Ok Tedi kampani, ol i yusim ol piksa em i stap long kampani ID kat na prinim antap long ol posta bilong ol.

Tasol dispela bikpela hatwok i westim nating taim bilong ol bikos long ol pepa bilong vot (balot pepa) bai i no gat piksa bilong ol kendidet.

Ilektoral Opisa bilong Not Flai eria Martin Paining i tok olsem 19 tim i redi nau na sambai tasol long patrol long taim ol pipel i stat vot long Sarere.

Em i tok ol vot pepa i kamap

pinis long Tunde 24, Novemba na ol poling tim i lusim stesin long Trinde 25, Novemba.

Em i tok ol i lukautim gut tru mani bilong dispela ileksen bikos gavman i skelim liklik mani tasol.

Mista Paining i tok bikos i no gat hap mani nabaut i stap nating long taim bilong ol ilektoral opisa i kibung i no gat mani bilong baim ol ti kopi long dring long taim bilong kibung.

Em i tok i no gat ol moskito net long givim long ol patrol tim husat i go kisim vot long ol ples longwe long stesin.

Mista Paining i tok, long Nesenel ileksen helikopta i bin karim ol patrol tim i go aut tasol nau bai ol i wokabaut.

Not Flai/Plis Komanda, Sief Inspekta, Sam Inguba i tok, bai i gat 30 plisman i helpim ol poling tim long Not Flai eria long taim bilong ileksen.

Em i tok, wanpela plisman bai i go wantaim wanpela poling tim na bai gat tupela plisman i wok wantaim wanpela poling tim long taun. Dispela ol plisman yet bai was i stap long ol balot bokis na bai ol i wok fultaim tu long de bilong kaunim ol vot.

Plis Komanda i tok, em i no ting bai i gat trabel nabaut long wanem ol plisman i kisim oda bilong ol pinis na ol i sambai tasol i stap.



Lukim 4 pes spesel spot ripot insait

- Dispela wik long Palamen - pes 4
- Wingti opim kibung bilong ol meri - pes 2
- Poisin kaikai kilim 4- pela pipel - pes 3
- Gavman givim K2 milion long helpim kopra - pes 2
- Spesel kot tok man i no ausa - pes 3



Ol meri bung long Mosbi



MIU!

MUMU RIK



THE PORK FLAVOURED CRACKER

Paradise

PLUS

Ripot



MT HAGEN - Sampela man i bin wokim pasin nogut long wanpela liklik skul meri bilong Mt Hagen Haiskul long Mande apinun. Krismas bilong dispela meri inap long 14 yia.

Em i bin wokabaut wantaim mama bilong em i go na sampela man i hensapim ol long naip na mekim pasin nogut long mama na pikinini tu.

Ol plisman i wok long painim aut yet long dispela trabel.

ARAWA - Ol stilman i bin brukim Kai Mat bikpela bakstua bilong ol na stilim ol samting inap long K500. Dispela trabel i bin kamap long Arawa long Sande.

Plis ripot i tok olsem ol stilman i katim dua na go insait na stilim tripela redio na planti ol arapela kago.

Ol plisman i wok long painimaut moa long dispela trabel.

ARAWA - Wanpela trabel bilong stilpasin i kamap long ples Hugoha long taim ol stilman i brukim stua na stilim ol kaikai inap long K5,000. Dispela trabel i kamap las wik long Mande moning long taim papa bilong stua i slip yet.

Ol plisman i wok yet long painim aut long dispela trabel.

LAE - Ol plisman i sasim wanpela meri husat i gat 23 krismas long stilim mani. Ol i bilip olsem em i stilim K1,300 long Burns Philp Supamaket long taim em i wok olsem wanpela kuskus long kampani.

Nem bilong dispela meri em Josephine Tuga na em bilong ples Wanigela long Oro provins. Plis ripot i tok olsem dispela trabel i kamap long mun Ogas na Novemba.

LAE - Ol stilman i bin brukim haus na stilim K3,000 long wanpela haus long Mangila strit. Dispela birua i kamap long Fraide. Ol plisman i wok long painimaut moa long dispela trabel.

MARKHAM - Wanpela man i bin dai insait long wanpela birua i kamap long rot. Dispela birua i kamap klostu long ples Klin Wara long Sande moning. Krismas bilong man ya inap long 16 yia.

Plis ripot i tok olsem nem bilong em Saki Gibob na em i bilong ples Zumangurum insait long Kaiapit distrik. Gibob i bin slip long rot na bikpela ka i bin go antap long lek bilong em.

Ol i kisim em i go long haus sik tasol em i dai bikos em i lusim planti blut.

KAVIENG - Ol stilman i bin brukim windo bilong wanpela F28 balus na go insait stilim ol samting. Ol i stilim ol kaikai na planti ol arapela samting.

Ol i no bagarapim balus tasol ol plisman i wok long painimaut moa long dispela trabel.

Dispela balus i stap long Kavieng bipo long em kam bek long Mosbi long taim ol i bin brukim na kisim ol samting.

KAVIENG - Tupela liklik meri bilong Arawe insait long Wes Nu Briten i bin dai bihain long ol timba i bin pundaun antap long ol long Is Kos Namatanai long Kavieng.

Nem bilong dispela tupela meri ya em Lenny Kamkin na Lesan Kamkin. Lenny i gat 6-pela krismas na Lesan i gat 4-pela krismas. Papa bilong tupela i kisim bagarap na i stap long hausik.

Bodi bilong dispela tupela i stap nau long haus sik long Namatanai na ol plisman i wok yet long painimaut moa long dispela trabel.

RABAUL - Tupela man i bin hensapim wanpela man na stilim K700. Plis ripot i tok tupela man i hensapim papa bilong NVK Entaprais stua na kisim ol dispela mani. Dispela trabel i bin kamap long las wik Fraide.

RABAUL - Ol plisman i holim wanpela man bilong ples Timbungke long Is Sepik na sasim em long wanpela trabel bilong bagarapim meri. Nem bilong dispela man em Elisha Nimbo na em i gat 24 krismas.

Plis ripot i tok olsem Nimbo i bin stap wantaim ol sampela man husat i bin bagarapim wanpela meri long taim em i kam bek long bikpela festival bilong Tolai Warwagira.

Gavman givim K2 milion long helpim kopra

HENRY MORABANG
i raitim

SIAMAN bilong Kopra Maketing Bot, Sir John Guise i askim olgeta kopra groa long wok strong long taim pe bilong kopra i go duan.

Em i tok pe i go daun tasol ol man long Japan, Taiwan, Yurop, na Singapo i wok long baim kopra. Rabaul tu i wok long baim kopra na salim i go ovasis.

Gavman i bin oraitim pinis K2 milion dinau mani em Kopra Maketing Bot bai kisim long Papua New Guinea Benking Kopresen long lukautim pe bilong ol kopra long mun Novemba na Disemba long dispela yia.

Em i tok insait long dispela tupela

mun baunti peimen bilong kopra bai sanap olsem. Long Novemba em K24 long wanwan tan o skel bilong kopra na Disemba em bai surik i go long K2 tasol. Na dispela i min olsem long mun Disemba pe bai sanap long K26.

Pe bilong ol kopra long mun Disemba na Novemba bai wankain olsem long pe bilong kopra long mun Oktoba.

Hia em pe bilong kopra long ol bikpela depo:-

Hot Air K205 long wan tan

F.M.S K202 long wan tan

Smoke K200 long wan tan.

Dispela ol depo em Mosbi, Alotau, Madang, Lae, Wewak, Kavieng,

Rabaul/Toboi, Kieta, na Kimbe.

Na long ol sab depo pe bilong wan tan kopra i olsem:-

	Hot Air	FMS	Smoke
Samarai	K173	K170	K168
Kandrian/Namatanai	K170	K164	K160
Finsafen	K165	K162	K160
Lorengau	K160	K175	K155

Dispela em pe bilong kopra long mun Novemba na Disemba.

Sir John Guise i tok Kopra Maketing Bot i amamas tru long gavman i givim K4 milion kina long lukautim wok bilong kopra



• Long taim Praim Minista i raun na sekhan wantaim planti ol meri long dispela de, em i bin amamas tru long bungim wanpela gutpela pren tu bilong em bilong bipo yet, Misis Akinise Taureka.

Wingti tokim ol meri long wok bung na gavman i ken helpim ol

PAULINE LAKI
i raitim

"MI sori long lukim olsem i no gat wanpela meri i stap long Palamen. Bikos i no gat meri long Palamen gavman i nidim strongpela tingting na advais i kam long yupela ol meri."

Dispela em i toktok bilong Praim Minista Paias Wingti long taim em i opim namba 9 Nesenel Womens Konvensen em Nesenel Kaunsil ov Women i go pas long en. Dispela wan wik kibung bilong ol meri i kamap long Pot Mosbi Insevis Koles.

Mista Wingti i givim tok lukaut olsem

sapos Kaunsil bilong or Meri na ol womens grup i no wok bung wantaim em bai gavman i no inap givim gutpela helpim long ol meri.

Em i tokim moa long 200 meri husat i bung long dispela long dispela kibung olsem ol i no toktok long ol bikpela samting tasol na lusim tingting long wok bilong lukautim haus na famili bilong ol bikos dispela wok tu i em developmen.

Ol Presiden bilong ol Provinsal Kaunsil ov Women, ol volintia grup olsem YWCA, Gel Gaid, ol meri long ol Sios grup, ol narapela womens grup long politiks na ol bikmeri long gavman nau i bung long toktok bilong stretim wok bilong Nesenel Kaunsil ov Women na bringim ol wari, ol askim na senisim ol aidia bilong ol wok bilong ol meri i kamap long hap bilong ol yet long dispela bikpela kibung.

Long dispela kibung bai ol i makim ol nupela bos meri.

Kaunsil nau i gat tripela (3) nupela memba antap long moa long 30 womens grup husat i memba bilong NCW. Dispela nupela lain em SDA Womens grup, Women In Politiks na Evengelikal Alains Misin ov Saut Pasifik womens grup.

Nupela lain bilong Mosbi siti i no tokaut yet long progrem

JOSEPH KAU
i raitim

NESENEL GAVMAN i makim pinis ol nupela bot memba bilong Nesenel Kapital Distrik Interim Komisin.

Nupela siaman bilong nes NCDIC em Dokta Jack Onno. Memba bilong Mosbi Saut long Nesenel Paleman Bob Suckling em i namba tu siaman.

Ol arapela lain bilong bot em Legu Vagi, Hugo Berghuser, David Unagi, Frank Igo, Ted Madaha, Dadi Toka, Misis Reva Brian Roper, Tom Rangip, Lawrence Titimur, Benson Gegeyo na Pater Koaiaba.

Gavman i no inap toktaut bilong wanem tru ol i rausim olpela siaman bilong NCDIC Jack Pidik na namba tu bilong em Brian Bell. Planti tok kros i kamap nau long wanem gavman i bin mekim dispela pasin.

Wanpela bisnismeri na olpela memba bilong Nesenel Kapital Distrik Josephine Abaija i

tok olsem dispela pasin gavman i bin mekim i no gutpela pasin. Em i tok olsem Mista Pidik i bin mekim planti gutpela wok long stretim sindaun bilong ol manmeri long Mosbi.

Long dispela taim tu ol lain bilong NCDIC i tok olsem long dispela yia ol i no bin kisim gutpela mani long mani plen long nesenel gavman. Gutpela wok Mista Jack Pidik na ol lain bilong em i bin mekim long stretim Ela Beach na ol arapela hap long Mosbi i no inap go het nau.

Nupe la siaman bilong NCDIC Dokta Onno i no inap mekim wanpela toktok long dispela tasol namba tu bilong em Mista Suckling i tok olsem em bai wok wantaim ol arapela lain long bihainim ol wok olpela siaman na lain bilong em i wok long mekim long stretim Mosbi.

Poisin kaikai i kilim 4-pela pipel

HENRY MORABANG
i raitim

FOAPELA man long ples Jaun insait long Aiome Distrik long Madang i bin dai bihain long ol i kaikai ol kaikai i gat poisin long en. Dispela trabel i bin kamap las wik.

Wanpela mama na pikinini bilong em i bin dai bihain long ol i kaikai poisin kaikai. Nem bilong mama ya em Annie Kunguke na

em i gat 27 krismas. Na pikinini em Alison i gat 3-pela krismas. Tupela arapela man i dai em mama bilong Annie Kunguke Jamlin Jewai na wanpela wanblut bilong ol Anna Latunabe.

Misis Kunguke na pikinini bilong em i bin dai long Fonde na long Sarere Jamlin Jewai na Anna Latunabe i bin dai. Plis Komanda bilong

Madang, Joe Drapok i tokim Wantok olsem em i bin salim pinis sampela plisman na dokta i go long mekim wok painimaut long indai bilong ol dispela pipel.

Sief Inspekta Drapok i tok Annie Kunguke i bin hukim wanpela pis na em i kukim na ol famili kaikai. Na long moning gen em i hatim sup na ol i tanim saksak na kaikai. Orait bihain

long ol i kaikai pinis ol i pilim bel i pen na ol i traute.

Ol i kisim ol i go long Annaberg Helt Senta tasol i tulet. Annie Kunguke i bin dai pas na bihain long wan awa, pikinini bilong em Alison i dai.

Arapela tupela meri i bin dai long Annaberg Hausik tu long Sarere.

Inspekta Drapok i

tok ol bilip olsem sampela man i mas bagarapim kaikai.

Inspekta Drapok i tok ol i kisim ol hap kaikai i kam pinis long bikpela hausik long Madang we ol saveman i mekim sampela wok painimaut nau.

Inspekta Drapok i askim ol pipel long Ramu eria long lukluk gut long dispela kain pis.

LIKLIK NIUS

Memba tok long rausim ol lain i gat sik AIDS

BILL NINKAMA, memba bilong Gumine i tokim Palamen olsem, ol pipel husat i gat sik AIDS i mas i stap longwe tru long narapela pipel.

Em i tok long gavman i mas rausim olgeta pipel husat i gat sik olsem i go stap long longwe long wanpela ailan olsem bai ol arapela pipel i no inap kisim sik ya. Em i tok waitman husat i gat sik olsem tu i mas lusim kantri kwik na go bek long ples bilong ol.

Mista Ninkama i tok em i save long sampela lain pipel husat i gat sik ya pinis na em i redi tasol long tokaut long nem bilong ol sapos gavman i no hariap long stapim sik ya.

No gat man go kisim bodi bilong daiman

BODI bilong wanpela man Amerika ol i bilip olsem, sampela lain i bin kilim em long Papua Hotel insait long Mosbi i stap yet long bokis ais long Pot Mosbi jeneral haus sik.

Bodi ya i bin stap long bokis ais long Septemba 30, na i stap yet, nogat pipel i bin go long kisim bodi ya long go planim. Nau long dispela taim ol saveman bilong haus sik i tok bodi ya i stap long taim tumas long haus sik na nogat man i bin go long kisim olsem na bai ol bodi ya i go long Nesenal Kapital Distrik Gavman long planim.

Wewak pipel belhat long ol raskol pasin

PLANTI moa pipel long Wewak taun insait long Is Sepik i singaut yet long gavman i mas putim kefiu long taun long stapim trabel na birua i wok long kamap long taun.

Wanpela man husat i kisim nogut long wanpela birua i askim gavman long helpim ol gutpela pipel i wok long kisim bagarap nating.

Long dispela wik tasol, ol trabelman i bin holimpasim ol stuakipa na kisim olgeta mani bilong ol. Long narapela trabel ol raskol i bin holim pasim wokman long Garamut sevis stesin na kisim samting olsem K1,000 na ranawe.

K40 milion long helpim ol haus sik

HELT MINISTA, Tim Ward i tokaut long Palamen long Tunde, olsem ol haus sik long kantri bai kisim moa long K40 milion long helpim ol long narapela faivpela yia bihain.

Em i tok bikpela haus sik long Mosbi yet bai kisim K25 milion. Dispela mani bai kam long gavman bilong Japan. Gavman bilong Japan bai helpim long stretim ol sampela samting long Lae na Maun Hagen haus sik.

Mista Ward i tok long yia 1988 bai ol yusim K1.25 milion long stretim ol sampela olpela samting long ol haus sik na samting olsem K45.3 milion bai ol i spenim long o provinsal helt senta long olgeta hap bilong kantri.

Spesel kot harim olsem man i no rong long sutim trabel man

WANPELA spesel kot bilong painimaut long indai bilong man i bin kamap long Ramu Sugar las wik. Dispela kot i bin kamap bihainim indai bilong Morris Niambai em ol i sutim em long gan long DPI stesen long Sagalau.

Niambai i bin stap namel long wanpela geng husat i laik brukim wanpela haus bilong DPI opisa na opisa ya i sutim em long gan. Dispela trabel i bin kamap long Trinde 4 Mas long begin bilong dispela yia.

Man husat i go pas long dispela kot, sinia majstret bilong Madang Kevin Duetrom i tok dispela DPI opisa i gat rait long sutim Niambai.

Em i tok dispela opisa i sut long taim Niambai na ol arapela poroman bilong em i brukim haus na sut long gan.

Tupela wik bipo long em i dai, Niambai i bin stap insait long wanpela trabel i kamap long ples balus

long Madang.

Mista Duetrom i tok Niambai wantaim sampela lain memba bilong geng bilong em i bin paitim na bagarapim wanpela opisa bilong haus kalabus long Beon, klostu long Madang.

Mista Duetrom i tok Miambai em wanpela man ol plisman insait long Madang i wok long painim bikos em i mekim planti trabel bipo long em i dai.

Provinsal Plis Komanda Sief Inspekta Joe Drapok i tok em i namba wan tru ol i harim dispela kain spesel kot ausait long Madang taun. Bipo bipo ol i save holim tasol long bikpela haus kot long taun na ol plisman i save stenbai.

Sief Inspekta Drapok i tok planti man i save ring na tokim em olsem sapos dispela spesel kot i kamap long Madang bai kamapim trabel olsem na ol i holim long Ramu Sugar.

Dispela spesel kot i bin ran wan wik olgeta na pinis long Fonde 19 Novemba.

Akoka Doi i nupela Foren Afeas Minista

SPIKA bilong Palamen Akoka Doi i nupela minista bilong Foren Afeas nau.

Praim Minista Paias Wingti i makim em minista long Mosbi asde apinun, Trinde 25 Novemba. Nau moning bai Palamen i makim spika.

Mista Wingti i tok olsem gavman i makim Denis Young (Personnel Management Minista) olsem kendidet bilong ol. Na ol Oposisen i tok olsem ol bai makim memba

bilong Nawae Timothy Bonga olsem kendidet bilong ol.

Mista Bonga em olpela spika long Somare gavman.

Memba bilong Sentral Ted Diro i bin Minista bilong Foren Afeas bipo, tasol em i bin step daun long taim kot bilong harim hevi bilong timba bisnis i kamap.

Praim Minista i bin makim Edukesen Minista Aruru Matiabe long lukautim Foren Afeas.

Mista Wingti i bin kros long sam-



• Akoka Doi

pela toktok Mista Matiabe i bin mekim na em i rausim em long bosim Foren Afeas, las wik.

Plisman holim Jaminan

OLPELA memba bilong Yangoru Sausia, John Jaminan, nau i stap long han bilong Wewak Plis bihainim indai bilong narapela man.

Birua i bin kamap long Wewago klap long Tunde nait. Dispela man indai em Rex Wabiworo, krismas bilong em i 20 na em i bilong ples Waramuru long Yangoru distrik.

Ripot Wantok i kism

i olsem, kros i bin kamap long klap na yangpela man ya i bin kisim naip long bel bilong em. Papa bilong klap i hariap long karim em i go long Boram haus sik tasol em indai long rot.

Bekim bilong dispela lain bilong man indai ya i pulim lain i go bagarapim kem bilong John Jaminan wantaim ol lain tambu bilong em long Yawasorua klostu long Wewak.



• John Jaminan

Ol plisman long Wewak i wok long painimaut moa long dispela trabel.

TOFO

TORO GIAMANIM KOLE OLSEM EM BAI WOK LONG SARERE MONING....



TASOL EM I GO LUKIM OL WANTOK NA GO PILAI HOS RES....



WANTOK BILONG TORO BET LONG HOS NAMBA 7 NA OL SANAP WET I STAP....



TASOL NOGAT EM KALAP ANTAP LONG LEK BILONG TORO... I GAT SUA LONG EN....



HIA EM OL TOKAUT BILONG

wantok

Edukesen na developmen

LONG dispela taim i gat planti toktok olsem nesanel gavman i laik stretim edukesen long kantri.

Long baset, gavman i tok olsem ol inap long givim fri edukesen long ol sumatin long ol komyuniti skul long kantri, neks yia. Ol i makim pinis K5 milion long mekim dispela wok.

Gavman bai kisim dispela mani long taim ol i rausim sampela kos long ol yunivesiti na long ol arapela koles.

Namba bilong ol studen long ol teknikal na ol Nesanel haikul bai go daun. Long dispela taim kantri bilong yumi gat planti eria we ol saveman long ol teknikal skul na ol yunivesiti i ken wok long kirapim kantri.

Planti wok bilong rausim ol kopa gol na ol arapela samting long graun i kamap nau na bai yumi i kisim ol saveman long wanem hap long mekim ol dispela wok? I luk olsem gavman i mekim ol dispela pasin long kisim moa manmeri bilong ol arapela kantri i kam na wok long kantri.

Sapos yumi go bek na lukluk gen long dispela K5 milion gavman i makim long givim fri edukesen long kantri, yumi inap long luksave olsem dispela mani i no inap.

Oposisen i askim gavman long tokaut stret long dispela K5 milion ol i tok dispela mani i no long givim fri edukesen long ol komyuniti skul sumatin. Dispela mani em long helpim ol provinsal gavman long givim fri edukesen long ol skul long wan wan provins. Na husat tru bai givim fri edukesen? Nesanel o Provinsal gavman?

Wantok

P.O. Box 1982, Boroko
Telepon: 25 2500
 Teleks: NE 22213
 Faks: 252579

PE BILONG WANPELA YIA, 52 NIUSPEPA

Ples	Air Surface
Port Moresby	K20 K20
PNG	K29 K29
Australia & Sol Islan	K60 K39
New Zeland & Pacific	K78 K46
America & Europe	K118 K60

Printed and published by Anna Bernadette Solomon, of Bittern Place, Gordons, at Allotment 2, Section 209, Hohola.

Dispela wik long Palamen

Palamen bai givim taim long toktok bilong baset

PALAMEN bai givim moa taim long ol memba insait long gavman na oposisen long toktok long baset bilong 1988 long Palamen.

Praim Minista Paias Wingti i mekim dispela toktok long taim namba tu lida bilong Oposisen Pater John Momis i askim sapos

Palamen inap bihain yet rot bilong toktok pait long baset.

Em i tok toktok bilong 1988 baset i bikpela samting tru na ol memba bai no ken hariap long oraitim dispela baset, olsem na olgeta memba i mas gat sans long toktok.

Pater Momis i mekim dispela toktok bikos nau yet 4-pela

memba tasol i bin toktok long baset na planti arapela memba i no autim tingting bilong ol yet long baset.

Ol dispela lain i givim toktok bilong ol long Palamen na namba tu Praim Minista Julius Chan, Minista bilong Helt, Tim Ward na minista bilong Edministresen Sevis John Maladina.

Kampani winim kontrak long tupela haiwe


STAR Earthmoving kampani i winim pinis kontrak bilong wok long Kimbe Talasea Haiwe.

tasol ol i wet yet bikos kampani i mas stretim sampela kot pepa

bilong em pastaim na bihain ol bai statim dispela wok.

K10 milion bilong baim kompensesen

MINISTA bilong bosim wok bilong graun, Kala Swokin i tokim Palamen olsem dipatmen bilong em i gat K10 milion long lukautim wok bilong baim kompensesen mani bilong graun.



• Swokin

Minista i makim ol dispela toktok bihain long em i bekim ol toktok bilong tripela memba husat i askim sapos gavman i lukluk long wari bilong pipel bilong ol o nogat.

long Saure i papa long graun em Kaiindi Tisas Koles i sindaun nau long em.

OL dispela memba em Oposisen lida Michael Somare husat i askim sapos gavman i baim pinis ol pipel bilong Saure. Ol pipel

Helt Minista tok bai em i glasim hevi bilong ol APO

MINISTA bilong Helt, Tim Ward i tokim Palamen olsem dipatmen bilong em bai stretim wari bilong ol et pos odeli (APO).

Mist Ward i tok ol APO i no save kisim bikpela mani na em i askim pinis dipatmen bilong em long lukluk long dispela hevi.

Mista Word i bin mekim dispela tok long taim em i bekim askim bilong Obura-Wanegara Peter Gaige. Mista Gaige i bin askim Minista bilong Helt sapos dipatmen bilong em inap long lukluk na stretim pe bilong ol APO.

Mista Gaige i tok gavman i mas baim ol hatwok bilong ol na overtaim pe bilong ol.

Em i tok em yet i wanpela APO bipo long em i winim pinis sia long Palamen na em i luksave long hevi bilong ol.

Em i askim sapos gavman i ken luksave long ol APO olsem pablik sevan. Tasol Minista Ward i bekim na tok Dipatmen bilong Pesonal Menesmen bai lukluk long wanpela ripot em Minista i givim ol pinis.

Sir Pita paia long niuspepa

BIKPELA paia i bin kamap long Palamen long taim Sir Pita Lus i tokaut olsem sampela toktok wanpela niuspepa i raitim long em i no stret.



• Sir Pita Lus

Dispela toktok i bin kamap long pas i go long Edita long Post Courier. Man i bin raitim dispela pas i tok olsem Sir Pita Lus i save pilim pen long het bilong em bikos bipo wanpela kiap i bin paitim em long het. Pas ya i tok mobeta ol i katim het bilong Sir Pita Lus bikos dispela pen i ken bagarapim em.

bagarapim em tru.

Sir Pita i tok long dispela kamap kiap i paitim em long 1957 em i bin wanpela yangpela man husat i go pas long stapim kros namel long ol waitman na blakman.

Narapela memba em memba bilong Maprik insait long palamen.

Em i tok oisem planti ol niusman i no save raitim oi gutpela toktok. Olsem na em i askim Mista Spika Akoka Doi long singautim ol niusman long stretim dispela toktok.

Em i tok het bilong em i no save pen na dispela kain toktok i kamap long pepa i

Bia Bia

BIA BIA DRAIVIM KAR BILONG EM IGO LONG STUA ...

EM STOPIM KAR ARERE LONG STUA NA LOKIM DUA.

PAS!!

TASOL EM LUSIM TINGTING LONG KISIM KI NA KI I STAP INSAIT...

EM WOK LONG OPIM DUA LONG WAIA NA OL POLIS ARESTIM EM.. OL TING EM RASKOL...

INDOSUEZ NIUGINI BANK LTD

Burns House Champion Parade
 P.O. Box 1390 Port Moresby
 Papua New Guinea
 Fax: 213115 Telex: NE23274 INDOINU

Mak bilong intres long ol interest bearing deposit bilong mani i stap anit long mak bilong K50,000.

Taim	K1000-K9999	K10,000-K49,000
Call	24 hrs notice of withdrawal	
1 Mun	-	8.5 % PA
2 Mun	-	8.75 % PA
3 Mun	8.25% PA	9.0 % PA
6 Mun	8.5 % PA	9.25% PA
9 Mun	8.6 % PA	9.35% PA
1 Yia	8.75% PA	9.5 % PA
2 Yia	8.5 % PA	9.0 % PA

Beng bai toksave long mak bilong intres bilong mani antap long K50,000 long taim yu opin akaun.

Phone:
 Port Moresby: 21 3307 21 3533
 Boroko: 25 9211
 Lae: 42 3955
 Goroka: 72 2055

Member of the Group
 Banque Indosuez

Ol boda pipel i pret long paul toktok

Ol pipel i stap long ol ples klostu long boda bilong Papua Niugini na Indonesia i wok long pret nau bikos ol i harim olsem Indonesia bai teko-va long gavman bilong PNG na ranim dispela kantri.

Dispela bikpela pret i kamap bihain long olupela minista bilong Foren Afeas Ted Diro i

tokaut olsem em i kisim helpim long bikman bilong ami bilong Indonesia, Benny Murdarni.

Mausman bilong ol viles klostu long boda Wekra Kenu i tok dispela toktok nau i pretim tru ol manmeri.

Mista Kenu i tok las yia tupela gavman i bung, Indonesia na PNG i bin pasim toktok long kamapim gutpela wok namel long tupela kantri

tasol nau ol kaikai bilong ol dispela toktok i kamap.

Em i tok dispela pasin ol bikman bilong gavman nau i wokim bai inap long bringim stret militeri gavman insait long PNG.

Em i tok dispela kain bikpela mani em Mista Ted Diro i kisim i soim pinis olsem ol bikman i wok long salim PNG.

Balopa So bai kamap gen

BALOPA ilektoret long Manus Provins bai holim wanpela so bilong ol long Krismas. Dispela so em ol pipel bilong Baluan, Pam na Lou i kamapim.

Bai ol i soim tumbuna singsing, danis, na ol kain kain spot.

Man i go pas long dispela so, Poruan Sapulai i tokim Wantok olsem ol bai kolim dispela so Balopa So na bai i kamap long 21 Desemba na bai i go inap long 28 Desemba.

Wankain so olsem i bin kamap long yia 1985 nau bai namba tu taim bilong dispela so i kamap.

Em i tok dispela so bai kamap bihain long olupela tripela yia.

Mista Sapulai i tok, sampela samting bai kamap long dispel so

• Steven Pokawin



em, tumbuna singsing, kwaia singsing, konset, ol spot olsem soka bilong ol man na meri, volibal, etetik, na narapela ol liklik pilai long winim ol liklik prais.

Dispela so bai kamap long Baluan Ailan yet. Nau long dispela taim ol samting i wok long ran gut tasol. Ol redim olgeta samting na i wet tasol long taim bilong so.

Mista Sapulai i tok ol bai askim Primia bilong Manus Stephen Pokawin long opim dispela so.

Plen bilong kirapim sindaun bilong ol Saut Flai pipel

IAN KAKARERE i raitim

SAUT FLAI eria long Westen Provins i gat wanpela 5 yia developmen plen nau long stretim sindaun bilong ol manmeri long asples. Dispela program bai stat long 1988 na pinis long 1992.

Bikpela tingting long dispela plen em long stretim o strongim ol wok didiman long dispela hap. Wok didiman o egrikalsa em wanpela bikpela wok we ol pipel long Saut Flai i save kisim sampela mani.

Ol bai yusim 22 pesen bilong ol mani ol i makim bilong dispela program long kirapim nupela wok egrikalsa. Long dispela 5 yia ol bai yusim K2 milion long stretim ol wok egrikalsa olsem ol kau, ol kaikai, ol pis na ol kain kain pasin bilong salim ol kaikai, givin save long ol pipel long mekim dispela wok na long stretim ol pasin bilong karim ol samting bilong ol i go long ol maket.

Wok Forestri bai kisim klostu long K1.9 milion. Ol sampela wok aninit long Forestri em, stretim ol haus long ples, planim ol nupela diwai, givin save long ol pipel long sampela wok forestri we ol i ken mekim mani, long mekim wanpela somil na ol arapela wok bilong ol diwai long provins.

Long wok Komes ol i bai yusim klostu long K808,100. Dispela mani ol i bai yusim long stretim ol haus bilong ol wokman, givin save long ol pipel long kain kain wok bisnis, kirapim wanpela haus ais, long skulim ol pipel long kain kain pasin bilong mekim wel long ol kaikai long gaden na long pasin bilong mekim ol kain kain samting bilong salim.

Dispela plen i makim K2.9 milion long yusim long kain kain edukesen projek long Saut Flai. Sampela bilong ol dispela projek em long stretim sindaun bilong ol tisa, wokim ol nupela skulrum, kirapim Morehead Haiskul, kirapim wanpela haus buk, saplain ol buk long ol haus buk long ol skul, na long givim moa save long ol tisa.

Hom Afeas bai yusim K969,000 long givin save long ol pipel long gutpela sindaun long ples, long soim ol pipel long kain kain pasin bilong kirapim bisnis, stretim haus bilong ol wokman na long kirapim ol kain kain spot long provins.

Wok bilong stretim ol rot ol ples balus, ol maket, ol pilai graun, lektrik pawa, na ol bris bai stap aninit long K1.9 milion. Provinsal Afeas bai yusim. Ol Provinsal Afeas bai yusim sampela bilong dispela mani long stretim sindaun bilong ol wokman bilong ol tu.

Na las tru, Helt Divisen bai yusim K1.7 milion long stretim wok bilong ol long dispela hap. Dispela mani ol i bai yusim long givim trening long ol helt wokman bilong ol ples, long givim marasin long stapim ol kain kain sik, long stretim ol sindaun bilong ol wokman, stretim ol wara saplai long ples na long baim ol samting bilong wok, helt long dispela eria.


Mortein

NUPELA LIKLIK TIN!

NUPELA ANINIT PRAIS!

KILIM OL BINATANG KWIK TAIM TRU!

100g NET



GAZA - Israel Wanpela plisman bilong boda i holim ol dispela yangpela manki Palestain bihain long ol i sutim ka bilong ol Israel long ston. Tupela skulmeri long Palestain i kisim liklik bagarap long dispela trabel.

Stevie Wonder raun long Australia



STEVIE WONDER, wanpela top aipas singa bilong Amerika i raun nau long Australia. Dispela wik em i namba tu wik bilong em long raun long Australia.

Wanpela skul bilong aipas insait long Victoria i wokim wanpela kain masin, husat i save toktok na i ken wokim planti samting moa, na ol i givim dispela masin long Stevie Wonder long helpim em long kamapim nupela singsing. Wonder i bin amamas tru long dispela masin, na em i karim i go kam long olgeta hap em i raun.

Dispela masin em i olsem kompiuta na i ken wokim kain kain samting na i ken toktok tu wantaim papa bilong em.

Wonder i tok, nau em i no wari long narapela man long toktok wantaim em o helpim em long singsing, masin ya bai wokim olgeta samting man i save helpim em bipo.



BEIRUT - Lebanon Sampela man i helpim wanpela meri husat i kisim bagarap long taim bom i pairap long ples balus long Beirut. Faiwpela man i bin dai na planti ol arapela i kisim bagarap. Ol plisman husat i painimaut long dispela birua i tok wanpela bom i bin stap long switkes na pairap.



BEIRUT - Lebanon Sampela wanpisin husat i no kisim bagarap bihain long wanpela bom i pairap i wok long wet tasol ausait long haus sik bilong Yunivesiti bilong Amerika. Samting olsem 7-pela man i bin dai na arapela 7-pela i kisim bagarap tasol.

Rabuka givim wok long Mara

LONG Suva, bik-taun bilong Fiji, Kenel Sitiveni Rabuka i tokaut olsem em i laikim Praim Minista bilong Fiji bipo Ratu Sir Kamisese Mara i kamap Praim Minista long taim em i pinis

olsem lida bilong Ripablik bilong Fiji. Kenel Rabuka i laik Ratu Mara i mas kisim bek wok bilong em, bikos em i wanpela gutpela lida husat i sevis long bosim kantri. Rabuka i tok em i laik lusim Fiji long han bilong Ratu Mara tasol Ratu

Mara i bin kam bek tasol long haus sik long Australia we em bin go long ol dokta i sekap long bodi bilong em. Ratu Mara i tok em i amamas tasol long kisim dispela wok bilong Praim Minista, sapos Rabuka i laikim olsem.

LONG Meksiko siti, samting olsem 39 pipel olgeta i bin dring wara na dai long taim bas ol i bin ran long em i bin go daun long wanpela raun wara bilong rausim pekpek na narapela pipia.

Dispela birua i bin kamap long las wik

Bas kapsait na ol pasindia dring wara

Sarere. Ripot i tok olsem bas ya i bin pulap nogut tru long ol wokman na meri na em i bin spit moa. Bas i bin ful spit tru long taim draiva i bin putim lek long brek hariap. Ol pasindia i

bin go long fran bilong bas taim draiva i bin wokim olsem na hevi bilong ol pasindia i mekim na bas i kapsait i go daun long raun wara ya. Samting olsem 17-pela tasol i bin orait.



MANILA - Pilipins Samting olsem 200 man i holim wanpela straiik long soim olsem ol i no amamas tumas long ol ami bilong Amerika long stap long kantri bilong ol. Ol i laik gavman bilong Amerika i mas toktok na ol i rausim kwik ol dispela samting bilong pait.

Marasin i helpim sampela AIDS sikman

LONG Zaire, Afrika, ol i bilip olsem ol i painim pinis marasin bilong stopim sik nogut AIDS.

Infomesin Minista bilong Zaire i tok olsem wanpela tim bilong ol saintis bilong Ejipt i wok wantaim ol inap samting olsem 6-pela mun olgeta long painim dispela marasin bilong stopim sik ya.

Wanpela saveman bilong sik AIDS long Zaire, Profesa L u r h u m a Zirimwabagabo bilong Yunivesiti bilong Kinshasa i tok dispela marasin ol i kolim

MMI i save pait wantaim ol liklik binatang i save kamapim sik AIDS.

Em i tok ol i traime pinis dispela marasin na ol pipel husat i bin kisim dispela sik AIDS i orait nau.

Ol i bin traime pas-taim long 19 pipel ol 12-pela man na 7-pela meri. Na ol i lukim olsem 12-pela bilong ol i bin orait bihain long ol i kisim dispela marasin.

Ol i traime dispela marasin long 23 pipel gen na ol dokta i wok long sekap nau long lukim sapos marasin ya i helpim namba tu lain pipel ya.


Quick Draw McGraw

MONDAY to FRIDAY
at 6.00pm





EM TV

G(GENERAL EXHIBITION)



YU LAIK KELA O NOGAT. LUKAUTIM GUT GRAS BILONG YU.

LUKIM



Jimmy John bilong Rigo em i traim na gras i kamap long het bilong em. Bikos em yusim marasin long Bio Hair Senta.

Gras bilong Jimmy John i wok long pundaun tasol nau em i amamas tru bikos gras bilong em i stat long kamap gut gen.

Em i tok 'Famili na ol wanblut bilong mi i tokim me olsem yu laki tru long go lukim Bio Hair Senta'.

Marasin bilong BIO Hair Senta wok gut long HENDRIC bilong KOKOPO klostu long Rabaul.

Hendric tok "bipo mi save sem liklik long kalap long PMV bus. Mi sem man o meri sindaun baksait bai lukim kela bilong me tasol NAU MI NO SEM MOA."

Bipo Hendric i klostu kela olgeta tasol nau wari pinis. Sapos yu gat wankain wari yu mas go lukim BIO Hair Senta.

- YU KELA NAU?
- GRAS BILONG YU I LUS LUS?
- O YU GAT SAMPELA WARI BIHAIN LONG TAIM YU PUTIM NARAPELA KAIN MARASIN?
- O YU GAT PLANTI PIPIA O SKIN I TEKEWE LONG HET?
- O YU KELA NA HET I SIGIRAP?

Ol lain wokman bilong **BIO HAIR CENTRE** liklik taim bai kamap long ol dispela ples. Go na lukim ol.

- **LAE**
Melanesian Hotel Phone 42 3744
Monday Nov, 30th - Tues Dec 8th
- **BULOLO**
Pine Lodge Phone 44 5220
- **TABUBIL**
Art & Craft Centre
Tues Dec 1st - Sat Dec 6th

YU GAT SAMPELA HEVI LONG GRAS BILONG YU.

GO NAU LUKIM ol saveman long Bio Hair Senta.

Raitim nem bilong yu long liklik bokis long sait or ringim Bio Hair Senta long 25 7634.

BIO HAIR SENTA P.O. BOX 5187, BOROKO.

Nem.....
Address.....
.....Telepon namba.....

Makim gutpela memba bilong Papua Waria

Dia Edita, Mi wanpela man Waria nau mi stap long Not Solomons Provins. Mi harim olsem nau em i taim bilong Oro Provinsal ileksen olsem na mi raitim dispela pas.

tumbuna. Yupela i lukim pinis, Papua Waria i no senis liklik. Giaman toktok bilong ol memba ol i save tok olsem Papuan Waria bai kirap isi isi. Tasol noken harim

dispela toktok. Nogut yumi sindaun olsem tumbuna bilong yumi bipo.

Makim wanpela man husat bai kisim divelopmen i kam long Papua Waria. NGA- Biary Oga

Pipel laikim haus sik

Dia Edita, Mipela ol pipel bilong Ambunti na Drekkire i makim planti man long Nesenel na Provinsal gavman. Tasol i luk olsem ol dispela lain i no wari tumas long ol pipel husat i makim ol.

Wanpela bikipela wari o hevi bilong, mipela ol pipel em olsem mipela i no gat wanpela gutpela haus sik.

Mi laik askim yupela ol memba long givim sampela tingting long dispela na traim na

stretim dispela hevi. Nau i no gat wanpela gutpela haus kuk, no gat gutpela haus win na i no gat wanpela gutpela lait ol sik pipel i ken yusim.

Inap yupela ol memba i stretim dispela hevi bilong ol pipel pastaim na bihain yupela i ken wari long stretim sindaun bilong yupela yet.

Saulhoka William Koni, P O Box 47, Ambunti, ESP.

Maski long Tok Ples long viles kot

Dia Edita, Mi wanpela manki bilong Mape insait long Finshafen, Morobe provins tasol nau mi stap long Kimbe. Wanpela taim mi bin go kot long ples Ruango na mi bin lukim wanpela samting i no stret long ai bilong mi.

Ol man bilong harim kot i bin tok ples tumas. Em i no gutpela tru. Yu loman, yu

save long lo na yu no mas tok ples. Yu mas autim olgeta toktok long Tok Pisin we olgeta i ken harim na save.

Gavman tu i mas putim wanpela lo long ol man bilong harim kot i mas bihainim. Maski brata, susa, kandre, tambu o husat yu harim kot bilong em yu mas yusim tok ples olsem Tok Pisin bai olgeta i

harim na save long ai bilong kot.

Sapos yu yusim tok ples na save olsem wanem long ol samting yupela wok long toktok long en. Sapos yu laik tok ples orait wokim bihain long kot.

Bunaua Ongeng, P O Box 162, Kimbe Oil Palm Provins.

Tabubil buai dia tumas

Dia Edita, Mi laik autim liklik wari bilong mi long maket long liklik kopa taun long Tabubil. Wari bilong mi i go long ol man i save salim buai.

Planti taim mi raun long maket long baim buai mi save lukim pe bilong buai na mi save sik stret. Dispela ol lain i save sindaun long B na C seksen bilong haus maket i mas traim na senisim pe liklik.

Yupela i painim buai we tru na laik salim olsem? Dispela kain pe olsem 70 toea na 80 toea long wanpela liklik buai i dia tumas. Na dispela pasin i mekim mipela ol man i save kaikai buai i painim taim stret.

Mi laik askim sapos yupela ol taun kaunsil bilong Tabubil i ken daunim pe bilong buai long maket.

Peter Kay, Ok Tedi Main, Tabubil.

Putim nem Momawe Express

Dia Edita, Mi wanpela manki bilong Nuku tasol nau mi stap long Vanimo taun Wes Sepik provins. Mi laik autim wari bilong mi long ol bosman bilong Lutheran Siping.

Mi no amamas tumas long dispela nem Momase Express

em ol i bin givim i go long wanpela nupela sip bilong Lutheran Siping kamapni.

Momase i min olsem Morobe, Madang, Is na Wes Sepik. Mobeta rausim dispela nem na putim Momawe. Em i min Morobe, Madang na Wewak.

Bikos dispela sip i save raun long tripela taun tasol na i no save go olgeta long Wes Sepik provins.

Mi ting i no gutpela long sip i karim nem Momase. Bikos dispela sip i no save go sua long Vanimo taun.

Anton Leo, Waramu Viles, Nuku, Is Sepik.

Kampani i no tingim ol wokman

Dia Edita, Mi laik autim wari bilong mi i go long Wantok long ol kampani i wok insait long kantri. Bikipela wari bilong mi i go long ol kampani long Goroka.

Mi no amamas tumas long ol bikipela kampani long Hailans bikos kampani i no putim ol wokman bilong en long ol gutpela haus.

Ol wokman yet i katim diwai na wokim ol haus bilong ol. Na mi pilim olsem dispela pasin i no stret. Kampani i mas traim stretim dispela wari bilong ol pipel.

Arapela bikipela samting tu em pe bilong ol wokman i no go antap olsem na potnait pe i no inap long lukautim ol famili. Mi laik pinisim olgeta toktok na askim Praim Minista Paias Wingti long lukluk na stretim dispela ol wari.

I luk olsem Praim Minista i wok long glasim ol wari bilong ol taun pipel tasol na i no wari tumas long ol pipel long plantasin na ol ples.

M.J.M, Markham Farming, Box 290, Lae, Morobe Province.

Askim long mamalo na Sios

Dia Edita, Mi wanpela manki Kabwum long Morobe provins. Mi laik autim ol askim bilong mi i go

Ol leba i kamapim mani

Dia Edita, Mi sapotim toktok bilong brata Menupa Longi.

Mi stap long Madang na mi bin wok long tripela kampani. Planti kampani i no save helpim gut ol wokman bilong ol. Ol i no save givim haus na gutpela pe.

Ol man i sindaun long opis i no wokim mani bilong kampani, dispela mani em ol leba i wokim. Ol i mekim tru wok na ol skul manmeri i sindaun tasol na kisim bikipela mani.

Olsem na mi gat bikipela bilip tru olsem kampani i mas traim na hapim pe bilong ol leba i go antap liklik. Ol opis manmeri i save toktok i go i kam tasol long telepon.

Mi sapotim tru toktok bilong brata na mi laik ol kampani i mas traim na lukluk long dispela wari.

Thomas Sengilone, Madang Provins.

olsem, Papua Niugini mama lo i tok wanem long ol kristen pasin?

Mama lo ya i save tok wanem long ol Kristen grup long olgeta hap na autim gutnius? Na Mama lo i tok orait long ol pasta na ol sios lida long rausim nupela lotu i kam insait long ples bilong ol o nogat?

Mi laik husat pasta o sios lida bilong Lutheran Sios insait long Kabwum i mas bekim ol askim bilong mi ya. Bai mi amamas tasol long ritim wanem samting yupela i laik tok long bekim pas bilong mi.

Siwa Don, P O Box 1200, Arawa, NSP.

Ol pipel i no gat et pos

Dia Edita, Mi wanpela wokman bilong Ilimo kakaruk fam insait long Pot Mosbi. Mi gat wanpela wari long mipela ol manmeri i save stap long 14 Mail Rot i go long Sogeri.

Mipela i save painim hat tru long go long haus sik long kisim helpim long taim mipela i sik. Long taim mipela i gat man mipela i save baim ka i go long Sogeri, Godens o bikipela haus sik long 3 mail long kisim helpim. Na long taim mipela i no gat mani mipela i save painim hat tru long baim PMV na narapela rot

long go long haus sik. Nesenel gavman i mas lukluk long dispela na helpim ol pipel bilong 14 Mail na kirapim wanpela et pos we ol pipel i ken kisim helpim long taim ol i sik.

Mi yet Steven Aikupa i bilong Jimi, Westen Hailans tasol nau mi stap wok long Ilimo fam, na sapos yu husat i laik sapotim mi rait tasol i go long Wantok Niuspepa na bai mi lukim.

Steven B Aikupa, Ilimo Fam, P O Box 1885, Boroko, NCD.

Las Wiru no gat rot

Dia Edita, Primia bilong Saten Hailans i no save lukluk long wari bilong ol las Wiru long Pangia distrik.

Dispela eria insait long las Wiru i no gat wanpela gutpela divelopmen i kamap. As bilong em, i no gat gutpela rot na ol pipel i no tingim moa long wokim bisnis. I gat bisnis i stap tasol rot tasol i kilim indai olgeta samting o divelopmen.

Ol kampani i go wok long eria bilong yu tasol. Nau i gat wel na sampela strongpela divelopmen long Tari, Kopiago na Sembirik na Erave. Na yu no tingim mipela ol arapela pipel long provins.

Oltaim mi save harim long redio ol i save kolim ol dispela eria tasol long hap bilong Saten Hailans. Na dispela i no soim tru olsem olgeta hap bilong provins i gat divelopmen. Wanpela sait bilong provins tasol i gat divelopmen na narapela sait i no gat.

Yu primia i mas bringim ol rot i go long las Wiru orait bai mipela i ken wokim ol bisnis. Nau yu lusim mipela i stap nating tru long bus.

Opawak Opa Wak, Yoka Viles, Pangia, SHP.


Goroka nogat minista

Dia Edita, Mi wanpela man Okapa nau mi stap long Mosbi na mi no amamas bikos Mista Paias Wingti i no makim wanpela man

bilang Okapa o Lufa olsem minista. Memba bilong Lufa Mista Jerry Kavori na namba bilong Okapa Mista Bill Kepi i sapotim Mista Wingti tasol em i no makim ol i kamap minista.

Mi kros long wanem Mista Wingti i no makim wanpela man Goroka olsem minista.

Lave Ahivini, Boroko, Mosbi



• Praim Minista Paias Wingti

Pilai soka long Hagen

Dia Edita, Mi wanpela sapota bilong Bismark Yut klap long Hagen.

Mi bin go lukim dispela tupela klap Bismark na Konokta i bin kik long gren fainal bilong Hagen Soka Asosiesen. Na dispela kik liklik tupela i no kamap gut.

Sapos ol i pilai long strong bilong tim yet ating ol lain bilong Bismark bai winim yet dispela taitel bilong Hagen soka.

Long taim Bismark i bin lus long soka mipela ol sapota bilong wari tru.

Ol Bismark i win tru long stail bilong pilai tasol olsem wanem na Konokta i winim dispela fainal. Na planti man i wok long tingting strong tru long taim ol i kikim top tim olsem Bismark i pundaun i go daun long han bilong Konokta.

Ol Konokta i no gat nem tru insait long Hagen.

Mi askim olgeta sapota bilong soka insait long Hagen i mas ritim gut dispela pas na mas raitim wanem tingting bilong ol long dispela bikipela kik i bin kamap namel long Konokta and Bismark.

Napes Kude, Box 1061, Mt Hagen.

Salim pas i kam long:

WANTOK NIUSPEPA PO BOX 1982 BOROKO

Ol pati sapota i mas pasim maus

Dia Edita,
Mi laik sapotim pas bilong Janet Saliens i bin kamap long *Wantok Niuspepa* namba 688 long Septemba 1987. Janet i egensim toktok bilong Benjamin Bali husat i bin tok olsem Michael Somare i no save ranim gut kantri.

Dispela pas bilong yu Benjamin i no stret long tingting bilong planti manmeri long Papua Niugini. Ating mobeta yu skelim gut yu yet pastaim na bihain raitim pas. I no gut-pela long pairap nating na bagarapim ol bik-man.

Yu save nau. Bipo yu no gat wanpela klia tingting na yu no save long wanem samting bai kamap bihaintaim. Long taim Mista Somare i bosim dispela kantri i no gat wanpela bikpela bagarap i kamap long kantri.

Tasol nau planti saveman i kamap na ol i laik resis wantaim Mista Somare na kisim sia bilong em. Dispela em i orait. Husat i ting em i inap orait em i ken ronim kantri olsem Mista Paias Wingti nau.

Long taim ol i makim Mista Wingti olsem nupela praim minista long dispela yia Mista Somare em i namba wan man long kirap na sekhan Wingti. Dispela em gutpela pasin Mista Somare i mekim na em i soim gutpela piksa long yumi ol pipel bilong Papua Niugini.

Olsem na yumi ol sapota i mas pasim maus na stap isi. Maski long opim maus nating na bagarapim wanpela lida na apim narapela lida.

Mauro Dama, Lae, Morobe Provins.



• Michael Somare

Foti toea i no mani

Dia Edita,
Mi wanpela man Rabaul i bekim pas bilong Masi Lesia bilong Lemton Treding, Godens insait long Mosbi siti.

Brata Lesia yu tok olsem yu bin pinisim skul long yia 1977 na yu bin go long Mosbi na yu no painim wanpela wok na yu komplem long 40t i dia tumas long ol PMV bas.

Sori tumas brata bilong mi yu ting ol bas i liklik mani na ol papa bilong bas ya i

bin baim. Foti toea i samting nating. Sapos olsem no ken stap long Mosbi go bek long liklik ples bilong yu. Go wokim kakao, kopra o kopi na kisim 40 toea na go kam bek long siti na baim bas olsem mi save wokim long ples bilong mi Rabaul.

Joseph Malari,
Tagitagi No. 2 Viles,
Toma, Rabaul,
ENB.



Solomons "tu gut"

Dia Edita,
Mi raitim dispela toktok i go long ol bikman bilong soka long kantri na tu long ol man husat i makim ol pilaia bilong Mosbi long stap long Nesenel Soka skwat nau.

Yupela ol Mosbi i no fit long Solomon Ailan na olsem wanem yupela i gat 17-pela man i stap long nesenel skwat.

Lae i gat tripela pilaia, Arawa i gat 4-pela pilaia na Rabaul na Wewak i gat wanpela pilaia long dispela skwat. Dispela nesenel tim husat i pilai wantaim Solomon Ailan i no wanpela nesenel tim. Em i wanpela tim bilong Mosbi tasol. Olsem na yupela i lus tru long ol Solomons.

Yupela ol Mosbi i no fit long Solomon Ailan olsem na yupela i no fit long pilai long nesenel skwat. Olsem na mi laik tokim yupela ol pilaia bilong Mosbi, "SOLOMONS TU GUT".

Naksy Huu Teriths,
Box 5764,
Boroko,
NCD.

Noken daunim ol pati

Dia Edita,
Inap yu givim mi spes long bekim pas bilong Wapita Paisa i bin kamap long *Wantok Niuspepa* long Ogas 6. Dispela pas yu raitim i sut stret long ol memba bilong Hailans long Palamen.

Yu tok ol memba bilong Hailans i mas bung wantaim long kirapim strongpela gavman na sapotim Paias Wingti.

Brata mi tokim yu stret dispela gavman bilong Wingti em gavman bilong tripela mun tasol.

Long taim Somare i stap long gavman em i no brukim hailans na nambis. Em i bin holim kantri olsem wanpela kantri tasol bilong yumi. Papua

Niugini em i liklik kantri tru na yu laik brukim namel long hailans na ol nambis o wanem?

Mi save olsem Pangu em i papa na mama bilong yumi stret. Mipela i no inap joinim PDM. Mista Wingti i stap praim minista na em i salim planti man i go long hailans long stretim hevi bilong ol kopi groa tasol em i no mekim wanpela samting long mipela ol lain bilong kakao na kokonas. Pe bilong kopi i go antap tasol kopra na kakao, nogat tru.

I luk olsem yu i no wanpela man bilong Not Solomons, yu wanpela man bilong Hailans.

M. K Sutman,
Goroka
Isten Hailans.

Promis wetim kaikai

Dia Edita,
Mi wanpela manki bilong Nomba viles long hap bilong Asaro long Goroka Isten Hailans provins, tasol nau mi stap long Morata No 2 insait long Mosbi siti.

Wari bilong mi i go olsem memba bilong Daulo Open, Gai Duwabane i save grisim ol lida long ples long givim vot long em. Long taim em i bin raun long kempen em i wokim planti promis olsem em bai bringim developmen i go insait long wan wan eria bilong ol. Em i bin wokim kain kain promis olsem na ol pipel i ting tru, na ol i givim vot long em.

Dispela olgeta promis em i bin

mekim i no karim kaikai yet na i no gat wanpela senis i kamap yet long Kongi Miruma.

Plis Duwabane, ol grasrut i votim yu na yu kamap bikman sapos no gat nau bai yu stap long ples na lukautim pik i stap. No gat wanpela senis i kamap yet long ilektoret bilong yu. Na tu yu no stap memba nating, yu wanpela minista olsem na yu mas tingim ol tarangu pipel husat i givim vot long yu.

Sapos no gat wanpela senis i kamap long neks faiv yia long taim yu stap long opis wanem kendidet i go kempen long eria bilong mi bai lus.

David M. Larafai,
Morata,
Pot Mosbi, NCD.

COME AND SEE THE GOOD GUYS FOR THE

ONE TONNE OFFER

ON ALL NISSAN NAVARA UTES

For every one-tonne Nissan Navara sold, the good guys at Boroko Motors are offering one tonne of rice free!

GO SEE THE GOOD GUYS

BOROKO MOTORS


● PORT MORESBY — 25 5255 ● LAE — 42 1144 ● RABAU — 92 2777 ● MADANG — 82 2433 ● MT. HAGEN — 52 1413
 ● GOROKA — 72 1848 ● ARAWA — 95 1566 ● KAVIENG — 94 2131 ● ALOTAU — 61 1291 ● PONDONETTA — 29 7175

EM TV is

running rings

around the

competition.



the OLYMPIC GAMES 1988

WINTER OLYMPICS
Calgary, February 1988

exclusive to



SUMMER OLYMPICS
Seoul, September 1988

EM TV

Rot i op nau long Continental Airline

CONTINENTAL AIRLINE balus kampani bilong liklik Pasifik ailan Guam i bin pundaun long Jacksons ples balus long Mosbi long Sande.

Em i makim wok bilong Air Niugini na Continental Airline long opim rot bilong ol pasindia bilong Guam na Papua Niugini long go kam long Amerika.

Bipo Air Niugini i save flai i go long Amerika em yet tasol em i bin lusim planti mani long dispela rot olsem na nau Air Niugini i stretim tok wantaim Continental Airline long kisim ol pasindia bilong Papua Niugini i go kam.

Minista bilong Kalsa Turisem na Sivel Eviesen Hugo Berhuser i bin katim hap rot long dua bilong balus long soim rot i op long Continental Airline na Air Niugini long wok wantaim.



• Singsing grup bilong ol Tufi pipel i bin kamap wokim singsing tumbuna long taim namba wan balus bilong Continental Airline i bin pundaun long Mosbi ples balus.

Ol Not Solomons studen bungim ol stori bilong provins

SAMTING olsem 18 studen bilong Not Solomons Studen Asosiesin long Yunivesti bilong Papua Niugini bai yusim holidi bilong ol long mekim sampela wok painimaut long provins bilong ol.

Dispela ol studen i stadi long egrikalsa, edukesen, lo, saiens, sosal wok, iekonomiks na politiks. Ol bai raun long ples na bungim ol stori, pasin na sindaun bilong ol tumbuna bilong ol long Not Solomons.

Nau long dispela taim ol i wokim pinis wanpela woksop long luksave long husat bai mekim ol wok long wanem ol eria bilong provins. Ol i kisim sampela tok skul tu i kam long ol saveman bilong Divisen bilong Komes, DPI, Edukesen, Komyiniti Dvelopmen, Helt na Legal Opis.


Dispela wok painimaut long tumbuna pasin na sindaun bilong ol long bipo, em i wanpela hap bilong nupela projek Yunivesiti Senta long Not Solomons bai ranim. Kodineta bilong dispela nupela projek Romeo Tohianan bai go pas long dispela wok.

Astingting tru bilong dispela wok painimaut em long raitim ol stori bilong ol tumbuna samting, pasin na sindaun bilong ol pipel long bipo. Ol kain samting olsem tumbuna stori, kastom, ol kaving na bilas bilong ol tumbuna, ol pilai bilong pikinini na graun, bus na solwara bilong painim abus i bin stap olsem wanem long bipo.

Long kisim dispela ol toktok na stori ol studen bai toktok wantaim ol lapunman na meri na ol bikman long ol ples.

Ol i bilip olsem bihain long dispela wok painimaut bai ol i raitim wanpela buk em ol skul manki bilong bihaintaim i ken ritim na save long ol pasin tumbuna bilong Not Solomons.

Make yours a Cambridge today




The choice is yours.

CAMBRIDGE king size filter cigarettes come in 10's and 20's.

Both packs bring you the full satisfaction of fine Virginia tobaccos.

QUALITY KING SIZE CAMBRIDGE



• Gwama Sawaga, siaman bilong Siun Len Asosiesen long ples Narian.



• Ol bikman bilong ples husat i bin go kibung long Narian komyuniti Hol. Kampani bin wokim dispela bikpela haus.



• Ol manki Misima i sanap long ples balus long Bwagaioia.

Misima Gol - wok i kirap gen bihain long 42 yia

Photo na stori
NEVILLE TOGAREWA

SAPOS wok bilong kamautim gol long Misima Ailan long Milen Be provins i stat, kampani husat i mekim dispela wok bai lusim moa long K175,500,000 (wan handet seventi faiv milion, faiv handet tausen kina).

Dispela kampani, ol i

kolim Misima Mines Pty Ltd bai pinisim wok bilong sanapim ol haus na masin samting insait long 18 mun.

Toktok bilong kirapim dispela gol main long Misima i bin hangamap long wanpela bikpela samting em papa bilong dispela kampani, Placer Pacific i wok long skelim. Kampani i bin tokaut olsem bai ol i no inap

wokim ol haus bilong ol wokman bilong kampani hia long PNG - ol bai putim olgeta wokman long Cairns, Australia na karim ol i go kam long Misima.

Gavman bilong PNG i tokim Placer Pacific olsem em i no wanbel long dispela tingting bilong kampani.

Long taim ol papa bilong graun we kam-

pani bai kamautim gol i bin harim dispela toktok bilong gavman, ol i-bin belhat na tok olsem sapos nesanel gavman i mekim olsem bai ol i pasim ples na wok i no inap long kamap.

Nesanel Gavman i hariap long givim tok orait long kampani i mas kirapim wanpela taun long Misima Ailan.

Ol saveman i tok olsem

i gat samting olsem 56 milion ton graun i gat gol na silva long en i stap long dispela main long Misima. Na long taim ol i kamautim gol, i gat 1.38 gram gol long wan wan ton na 21.0 gram silva.

I gat inap gol na silva i stap insait long dispela eria long kamapani i kamautim inap 10-pela yia olgeta. Lon wan wan yia ol inap long kamautim 400,000 auns gol na 2,600,000 silva.

Kampani bai yusim ol masin long digim graun i gat gol na silva long en na masin i putim graun i go long bikpela trak. Orait ol trak bai karim i go long ples bilong wasim gol i stap klostu long nambis.

Kampani i kisim tok orait pinis long gavman long ol kain wok olsem developmen bilong dispela main, hamas mani gavman na ol papa bilong graun bai kisim, envaironmen plen, program bilong givim trening long ol Papua Niugini pipel na spesel maining lis bilong dispela eria.

Tasol gavman i no sainim yet tok orait bilong rot bilong skelim mani namel long gavman na kampani, spesel maining

lis na developmen.

Ol i bin painim gol long Misima long yia 1888. Na bipo long yia 1911, ol lain i wok long dispela hap i save painim gol long graun arere long wara. Ol saveman i ting olsem long dispela taim ol i bin painim 6,200 kilogram gol.

Orait namel long 1911 na 1942 ol i bin mekim bikpela wok bilong digim hul i go insait long maunten na kisim gol. Na ol i kamautim samting olsem 426,000 ton graun we ol i painim gol inap long hevi bilong 10 gram long wan wan ton graun.


Bihain long yia 1945, ol i bin traim long opim gen dispela gol main long Misima tasol i no gat wanpela samting i kamap.

Planti kampani i bin mekim wok painimaut i kam inap long yia 1977 we Placer Pacific kampani i stat long mekim bikpela wok stadi gen long wok gol long Misima.

Placer Pacific Limited em i papa bilong dispela kampani Misima Mines husat bai bosim wok bilong kamautim gol gen long Misima Ailan.




• Sampela moa pikinini i sindaun arere long ples balus




• Opis na woksap bilong ol wokman bilong gol main.



• Maus bilong hul i go insait long maunten we ol i ting namba wan relwe tru long PNG i bin kamap. Ol i wokim taim ol i bin opim dispela main long yia 1887



• Ol dispela samting bilong namba wan gol main i ros i stap nau long bus.



• Ples bilong wasim gol long taim ol i bin kamautim gol namel long yia 1911 na 1942.

Winfield

25's



5 extra King Size cigarettes

There are five extra reasons for enjoying Winfield King Size.

You get five extra top quality King Size cigarettes in Winfield 25's, for only a few toea more than you pay for most other brands of 20's.

Compare the price, compare the value.

Big value

Wok bilong autim tok bilong God i strong long skul

WANPELA komyuniti skul i wok strong long holim yet ol toktok bilong God insait long

klasrum. Nem bilong dispela skul em Hobu Komyuniti skul na em i stap long Morobe

provins.

Ol pipel yet insait long dispela setelmen i statim dispela skul. Ol i laikim ol pikinini

insait long ol setelmen i mas kisim gutpela skul na toktok bilong God.

Dispela skul i gat 145 sumatin na 4-pela tisa. Ol i gat wanpela tisa i save skulim ol long toktok bilong God.


Nem bilong dispela Kristen Edukesen tisa em Muratie Muropie na em i bilong ples Bandung insait long Boana seket. Em i bin pinisim skul bilong em long Heldsbach long 1983 na em i bin wok 4-pela yia long skulim ol pikinini long tok bilong God.

Dispela tisa bilong RI i no olsem ol arapela tisa. Em i save kisim K10 long fotnait long em i mekim dispela wok.

Mista Muropie i save mekim planti ol arapela wok tu. Em i save givim skul long ol famili na tu long Sande skul. Dispela i mekim ol gavman tisa i amamas long wok bilong em.

Evanjelikel Lutheran Sios i amamas long wok bilong Muropie.

Dispela wok bilong em i mekim i helpim long daunim ol pasin nogut i wok long kamap.



• (antap) ol pikinini long Hobu komyuniti skul.

• (daunbilo) Ol tisa long Hobu komyuniti skul. Muratie Muropie i sanap las long lephan.



Moa nupela pasto bilong Lutheran Sios

JOE DAIR
i raitim

KRISMAS de i wok long kam klostu na planti ol pipel i wok long tingim bek dispela de mama Maria i bin karim Jisas.

Lutheran Sios na ol memba bilong Kongrigesen long Zumim tu i wok long tingim bek long namba wan taim ol i holim Odinesen bilong ol pasta long Kaiapit Distrik long Morobe provins.

Dispela de bilong Odinesen i olsem mak em ol hetman bilong ELC-PNG Sios i givim long ol nupela lain husat i laik kamap pasta insait long sios. Dispela mak em ol i mas kisim long asples bilong ol yet. Hetbisop wantaim hetman insait long viles i mas givim blesing long dispela nupela pasta o misinari.

Dispela toktok bilong holim odinesen i bin kamap insait long wanpela miting bilong ol bisop ol i kolim 'SINOD'. Ol i bin holim

dispela sinod sampela taim i go pinis long Hailens eria.

Dispela ol man husat i laik kisim odinesen i mas pinisim skul o greduet long seminari olsem (Martin Luter long Lae) bai kisim ol dispela kain blesing.

Odinesen i kamap long dispela yia em long Sande Februeri 2. Ol dispela studen i kisim odinesen em Kevin Tita, Gidi Okamaia, na Nigel Moses. Hetbisop bilong Evanjelikel Lutheran Sios long PNG i bin givim ol blesing. Bisop Yana Apo bilong Yabim Distrik na Kaiapit seket em Presiden Terry Isan i bin witnesim.

Kevin na Nigel i bin pinisim skul bilong tupela long yia 1986. I gat 5-pela arapela ples olsem Wampua, Sauf, Arifiran, Mutzing na Zumim i bin stap long tingim dispela de.

Garamut i kisim ples bilong hap ain long haus lotu

BETHEL kongregesen bilong West Taraka long Lae nau i gat nupela belo bilong paitim long taim bilong lotu. Bipo ol i save paitim hap ain bilong ka olsem belo.

Dispela tupela nupela belo em ol garamut. Ol kristen manmeri insait long Marup kongrigesen long Karkar Ailan i bin givim dispela garamut i go long Bethel kongregesen.

Moa long 30 man-

meri insait long Marup i bin bringim dispela tupela garamut. Ol pipel i bin bringim dispela ol garamut wantaim bikipela amamas bilong soim pasin bilong Laikim na Givim. Dispela wok i bin kamap namel long tupela peris.

Pasta Ngadup bilong Bethel i tok ol manmeri bilong West Taraka i wanbel na bung gut tru wantaim ol lain Marup long

taim ol i bringim dispela tupela garamut.

Em i tok "Mipela i amamas wantaim ol na mani mipela i tromoi long lukautim haus na kaikai i sanap inap long K400."

Bethel Kongrigesen i bin givin K200 i go long ol lain Marup long gutpela wok bilong ol long helpim ol long tupela garamut. Nau dispela ol garamut em ol i save yusim olsem belo.

Mei So bilong Daru Yunaitet Sios Seket

MOA LONG 15,000 pipel i bin kapsait long Daru Ailan long dispela wik long stap insait long wanpela bikipela bung bilong Yunaitet Sios ol i kolim Mei So.

Mei So em i wanpela bung bilong Daru Yunaitet Sios i save kamap wanpela taim long wan wan yia. Na ol maus man bilong ol kongregesen i save bung na paitim toktok na ol arapela bikipela wok bilong sios.

Bikipela samting tru insait long dispela bung em Anuel Tenksgiving we ol 50 kongregesen, ol yut, ol meri na ol arapela manmeri i save givim skel mani em ol i bungim i go long mekim wok bilong sios insait long Daru Seket.

Daru Seket bilong Yuunaitet Sios i karamapim ol ples insait long Daru distrik, na sampela kongregesen long Kiunga, Nengerum, Wogam na Tabubil long Not Flai.

Suprintenden bilong Daru seket, Pasto Moresby Waia i ting bai ol i bungim samting olsem K30,000 long Mei So bilong dispela yia.

Em i tok, "Mipela i save yusim dispela man long kirapim kingdom bilong God long Daru Seket bilong Yunaitet Sios."

Bai i gat ol bikipela pilai olsem Yut Felosip So, Wimens Felosip So na bikipela kaikai na ol singsing tumbuna.

SANDE LOTU

Frank Mihalic

SANDE NAMBA 2 BILONG ADVEN

Long dispela Sande long olgeta yia yumi save bihainim aidia bilong Jon Baptis long mekim redi rot bilong Bikman i laik kam. (Mak 1:1-8).

Bipo yumi i bin ting oltaim long ol rot klostu long ples, ol rot wokabaut long bus, ol rot kiap. Yumi bin tingting long katim rot long sarep na wokim ol likilik giaman bris na wokabaut wantaim bumbum long nait.

Tasol tude yumi save tingting moa long ol rot na strit bilong taun, na long ol haiwe ol i koltaim pinis, na long ol rot karanas we ol PMV i ken spit i go.

Ol dispela kain rot tu i ken skulim yumi na stiaim tingting bilong yumi, long redim rot bilong laip bilong yumi, bai God i ken kam insait long en. Kain kain rot i piksa bilong kain kain samting long laip bilong yumi.

Yumi ting long man i draivim PMV bilong em i kam long biktaun. Em i stat long ples insait long bus. Dispela i ken piksaim laip bilong yumi go long God. PMV i kirap long ples na i stat long ran. Rot i graun nating na i wel. Ol traime bilong Seten i save mekim rot bilong laip bilong yumi tu i wel.

Nau yumi kamap long ples tais na PMV i planim. Tais long laip bilong yumi em i dring, i bia. Em i planim laip bilong yumi. Yumi pas, i akna i stap. Yumi no ken muv.

Nau yumi kamaut gen na ran long rot karanas. Em i strongpela na yumi spit i go. Tasol taya i tromoim ol likilik ston i go brukim windo bilong ol arapela ka. Em i olsem toktok baksait i tromoim ston i go long ol arapela pipel.

Yumi givim siksti nau na wanpela bikipela klaut das i kirap. Tok giaman bilong yumi i olsem das i paulim na pasim ai bilong ol manmeri nabaut.

Nau yumi kamap long ples malumalu gen. Wil i katim tupela baret long rot, na i pasim taya na i kalabusim stia bilong yumi. Dispela i olsem sampela pasin nogut i putim baret long laip bilong yumi, na yumi hatwok long kamaut gen long baret. Yumi bihainim tasol i go. Yumi ting long pasin spak na pasin stil na pasin les.

Nau yumi kamap long wanpela wara, tasol i no gat bris. PMV i mas go daun insait long wara na brukim i go. Nogut i mekim dai ensin. Dispela i makim taim yumi go daun long ples nogut, we Seten i ken traime na kilim i dai laip bilong spirit insait long yumi.

Rot i gutpela nau na i strong. Tasol em i no inap long tupela ka i ken ran wantaim. Em i no op inap. Nogut yumi bungim narapela ka nau. Em i olsem laip bilong man i selpis. Em i wok na ting long em wanpela tasol. Maski ol arapela manmeri.

Nau yumi kamap klostu long taun na PMV i amamas long ran long rot kolta. Man, em i smat moa! Rot i strong na i stret na i gat waitpela lain namel long en. Em i olsem ol gutpela de God i givim yumi long laip bilong yumi. Olgeta samting i ran gut.

Na tupela sait bilong rot kolta i gat naispela baret i simen tu, bai wara i ken ranawe isi. Em i olsem ol gutpela samting i save helpim laip bilong yumi long olgeta de.

Rot kolta i no save go antap tumas o daun tumas. Nogut. Em i ran stret na i isi long draiv long en. Olsem tasol God i save helpim yumi long planti gutpela blesin long olgeta de.

Insait long taun, yes, bai yumi painim ol hul long rot kolta, na wil bilong PMV bai pundaun na pairap na kalap. Dispela i makim ol likilik rong long laip bilong yumi. Yumi i save pundaun insait long ol, na soim gohet bilong yumi.

Sapos rot i gutpela, yumi save ran gut na kamap gut long ples. Sapos laip bilong yumi i gutpela, God tu ken kam insait isi long sol bilong yumi.

I tru, ol PMV draiva i no mas wari long ol brikrot; em i wok bilong gavman. Tasol ol likilik han rot long laip bilong yumi, em ol i bilong yumi stret long fiksism na stretim na strongim.

Adven em i taim bilong fiksism rot i go long God, bai yumi ken kamap long em, na em i ken kam long yumi tu.

MMMMMIGHTY GOOD

COLOURING-IN COMPETITION WIN ONE OF 22 RADIO CASSETTE PLUS MANY MORE PRIZES

Isi tasol yu kalaim pren bilong yu Gras Rut wantaim mit em i save laikim. Orait putim long skin pas na salim long:-

Barnes Coloring Competition
P.O. Box 1744
Port Moresby
N.C.D.

Ol prais bilong winim em

- Tupela Sharp WQ483Z Radio Cassette Recorders for Major Prais bilong wanwan em K409.
- Wanpela prais bilong man na meri
- 10-pela Prais bilong wanwan K145.
- 20-Barnes Prodak Stika
- 50-Barnes 'T' Shirt
- 100-Book, pencil na ol setifiket

Dispela resis bai pas long Disemba 4, 1987
Olgeta resis pepa em kamap samting



bilong James Barnes PNG Pty Ltd
Ol wina bilong resis bai kamap long Niugini Nius na Pos Kororia long Fonde Disemba 10, 1987
Jas em las man long makim husat i win. Bai nogat toktok i kamap bihain long ol i tokaut long wina
Ol wokman bilong James Barnes Kampani na husat i wokim dispela edvitismen bai no nap resis.


Name

Age.....Boy / Girl.....

Address

.....


Phone..... School



BARNES

Ol Kristen Edukesen tisa kisim moa save

MURATIE MUROPIE i raitim



• Tupela Sande skul tisa i samapim ol papet long dispela woksop.



• Het tisa long dispela woksop Misis Yakwao Yakam i katim laplap long samapim ol samting long helpim ol tisa long wok bilong ol.

I BIN gat 23 Kristen Edukesen tisa bilong Luteran Sios husat i save skulim ol pikinini long ol komyuniti skul i bin kisim moa save long mekim wok bilong ol i kamap gut olsem bai ol pikinini i ken amamas na putim gut yau long taim bilong skul.

Ol dispela tisa i bin go stap insait long wanpela kos we ol i lainim ol kain kain rot bilong skulim ol pikinini long tok bilong God. Dispela kos i bin kamap long Heldsbach, Finsafen, long Morobe Provins.

Man husat i bin go pas long skulim ol dispela tisa em Elmar Buerkle na Yakwao Yakam wantaim Baerbel Buerkle i helpim em. Ol Kristen Edukesen tisa husat i bin kamap long dispela kos long Heldsbach i bin kam long hap bilong Madang na Morobe Provins.

Ol dispela tisa i save skulim ol pikinini long ol komyuniti skul, na grup long taim bilong Sande skul. I no gat wanpela bikpela grup insait long sios i lukautim ol dispela lain tisa, nogat. Ol i stap long han bilong seket/na kongregesen we ol i wok long en.

Ol tisa i bin lainim tupela bikpela samting insait long dispela woksap bilong ol. Namba wan bikpela samting em pasin bilong wokim ol papet em ol i ken yusim long taim bilong stori long ol pikinini. Na namba tu samting em long wokim ol samting olsem ol piksa na ol arapela samting em ol i ken yusim tu long mekim ol pikinini i amamas na putim gut yau long taim bilong skul.

I bin gat 52 tisa husat i pinisim trening long kamap ol kristen Edukesen tisa bihain long ol i greduet long dispela skul long Heldsbach. Na nau ol i wok i stap long ol komyuniti skul, haikul vokesenel skul na seket skul.

Dispela RI- o Kristen Edukesen Tisa Trening Progrem i op long olgeta yangpela manmeri husat i laik kisim skul long mekim wok bilong God long skul, ples o ol arapela hap.

Mista Zurenarec Onge, distrik edukesen seketeri i bin pasim dispela kos long wanpela sotpela lotu em i bin go pas long en.

Olgeta lain tisa husat i bin kamap long dispela kos i amamas tru na ol i tok olsem ol dispela samting ol i lainim long dispela kos bai amamasim ol pikinini long taim bilong Kristen Edukesen.



• Ol dispela tisa i wokim ol samting long helpim ol long givim moa save long ol pikinini.



NCDIC wetim mani long stretim ol bas stop long siti

Wanpela mausman bilong Lens Trensport Bot long Mosbi Ken Brester i tokaut pinis olsem planti papa bilong ol PMV na ol pasindia long ol PMV i amamas long ol nupela rot ol bas i save bihainim nau long siti.

I bin gat planti tok kros i kamap taim

Lens Trensport Bot i tokaut olsem ol bas i mas ron long ol nupela rot. Tasol nau i luk olem ol dispela bel kros i wara nating.

Mista Brestr i tok olem long dispela taim ol papa bilong Teksi kampani long Mosbi i no amamas tru long wanem ol i no gat plant pasindia long karim nau.

Dispela i soim olsem

ol planti manmeri husat i bin raun long ol teksi bipo i raun long ol PMV nau.

Tasol wanpela samting i no stret yet long ol dispela nupela raun bilong ol PMV long Mosbi em ol bas stop.

Wok bilong mekim ol bas stop i stap wantaim Nesanel Kepitel Distrik Interim Komisin tasol long dispela taim Komisin i no gat planti mani long mekim ol dispela wok.

Kiunga taun i gat pipia trak nau

KIUNGA TAUN long Westen Provins bai kamap wanpela klinpela taun long taim taun kaunsil i statim progrem bilong rausim ol pipia insait long taun.

Taun kaunsil i kisim pinis nupela trak bilong rausim ol pipia na bai dispela trak i stat long rausim ol pipia insait long taun long Mande 30 Novemba.

President bilong Kiunga Lokal Gavman Kaunsil, Aedwa Wasinai i tok olsem dispela trak bai mekim wok bilong rausim ol pipia insait long taun long tupela de. Ol dispela de em Mande na Fraide.

Mista Wasinai i tok wan wan haus long taun husat i putim tin pipia long dispela trak

i rausim bai i mas baim K3 long wan

mun. Na ol bikpela we ol i putim pipia long ol 200 lita dram bai i mas baim K15 long wan mun.

CALLING ALL BANDS

Mipela salim ol samting bilong musik...

Emplifaia
Spika
Dram
Gita
Trombone
Flut
Mout ogan
Konsetina
Piano akordian
Let bilong gita
String bilong gita
Skin bilong dram
Ol song buk na kod buk

Bateri Emplifaia bilong gita Led na bas

K140.00 tasol post nating

ROOK'S RADIO

P O Box 191

Lae, PNG

Telepon 42 4616



**Do "you" want to be successfull in Business?
Promote your business "Nationwide" by using "RADIO ADVERTISING"**

After all we broadcast from 5.30am to 12 o'clock midnight everyday, bringing entertainment nationwide!

While driving - sailing - working in offices - factories - shops or just walking along "KALANG FM RADIO" is your faithfull companion, selling "YOUR" product, while other medias which have claimed to be the best for advertising can not be read - seen or heard, while doing the above mentioned. Makes sense doesn't it? Music makes people happy!


Besides being one of the best FM radio stations in the pacific region (please check if in doubt), we give news on the hour - short stories - public information.

Our success rate is obvious, ask our bank manager, he is happy with our cheap rates, and our bank balance. JOIN A WINNER by Advertising on KALANG FM RADIO NOW.

Kalang Adverting Inc.
Advertising Sales Department,
P.O. Box 1359 Boroko,
Ph: 25 5233 or 25 4884,
Where value for money is our motto
ask some of our valued customers
(REGISTERED ADVERTISING AGENT)

THE INTERNATIONAL **Stessi** RANGE

ENGINEERED ALUMINIUM BOATS



Excellence and perfection, craftsmanship and performance, second to none!

Easily, the strongest, softest riding, driest, most practical boats ever built.

The original and still the leader in the world of offshore small work boats.

Hand built by expert craftsmen to give you everything you require in a truly professional purpose built boat.

Ideal for PNG'S waters!

Yellowfin
Custom Built Boats

Quintrex
ENGINEERED ALUMINIUM BOATS

INTERNATIONAL
Stessi

Media Brokerage International

Steamships - MACHINERY

Port Moresby 259066 • Madang 823021
Rabaul 921061 • Lae 424799

EMTV are the 1ST in PNG to present

TO SIR WITH LOVE

Friday 27th - 8.30 pm
(PGR) Parental Guidance Required.

Starring: Sidney Poitier
Judy Geeson
Suzy Kendall

RUN, SIMON, RUN

Saturday 28th - 9.00 pm
(PGR) Parental Guidance Required.

Starring: Burt Reynolds
Inger Stevens
James Best
Royal Dano

A LOVE AFFAIR

Sunday 29th - 7.30 pm
(PGR) Parental Guidance Required.

Starring: Blythe Danner
Edward Herrman
Patricia Neal
Ramon Bieri
Lainie Kazan

THE KEY TO REBECCA


Mon 30th - 8.30 pm Part 1
(AO) Adults Only

Starring: David Hemmings
Anthony Quayle.

**HELP WANTED!
MALE**

Wednesday 2nd - 8.30 pm
(AO) Adults Only

Starring: Suzanne Pleshette
Gil Gerard
Bert Convy



EM TV

We're leading the way!

Foapela yia na mipela i no gat pikinini yet

DIA LAIPLAIN,
Mipela i marit 4-pela yia nau tasol mipela i no gat pikinini. Mitupela meri bilong mi i laikim famili tasol meri i no bel yet.



Narapela as bilong dispela hevi em mitupela i no wok long wanpela ples. Mi save lukim meri bilong mi long taim bilong holide tasol. Mipela save wari tru long dispela samting tasol bai mipela i mekim wanem long stretim hevi?

Mipela i bin beten long Papa God long givim mipela pikinini. Tasol i luk olsem Papa God i no harim ol askim bilong mipela na mipela i tingting planti long dispela.

Mitupela i bin go wantaim long lukim dokta na dokta i bin tokim mipela olsem meri bilong mi i inap long karim pikinini. Tasol mi i no save bilong wanem tru meri bilong mi i no bel yet.

DIA PREN

Mipela i luksave tu olsem wanpela samting i kirapim dispela hevi em olsem yu na

meri i no stap long wanpela ples. Na meri bilong yu save lukim yu long taim bilong malolo tasol.

Dispela kain pasin bilong meri i stap longwe inap long kamapim dispela hevi we meri i no bel.

Pastaim tru yu mas save olsem meri bilong yu bai inap long bel long taim kiau bilong em i redi na yu slip wantaim em. Kiau long ol meri save redi long sampela de long wan wan mun. I luk olsem yu save slip wantaim meri em long taim kiau bilong em i no redi. Olsem na sapos meri bilong yu i stap wantaim yu long wanem ples yu wok long en bai em i gat moa sans long bel.

Ol nes na ol sista long famili klinik i ken givim yu moa skul long kiau bilong meri na taim em bai redi.

Narapela samting yu

mas save em olsem, sapos meri i belisi na i amamas long marit bilong em bai ol dispela wari i ken stapim em long bel.

I luk olsem meri bilong yu i save tingting planti olsem sapos em i bel bai em i hatwok tru bikos yupela i no stap wantaim. Husat bai lukautim em? Em bai pinis long wok bilong em o wanem? Ol dispela samting na ol arapela samting tu i ken stapim meri bilong yu long bel.

Yu no tok klia bilong wanem tru na meri bilong yu i stap long narapela ples. Yu no gat haus na meri bilong yu i stap long narapela ples o olsem wanem?

Sapos yu stap wantaim meri bilong yu long wanpela ples, bai meri bilong yu inap long kisim bel.

Inap yu tingting long ol samting yu ken mekim long mekim meri bilong yu i kam stap wantaim yu na wok. Kisim meri i kam stap wantaim yu bai yutupela i gat moa sans long gat pikinini.

MI LAIPLAIN

WIP i kamap memba bilong Nesenel Kaunsil ov Wimen

MASKI Wimen In Politik i bin lus long helpim wanpela meri kamap memba bilong Palamen, nau ol i kempein gen long putim ol meri long resis long provinsal gavman ileksen bilong Simbu.

Ileksen bai kamap long Nu Ya.

WIP i gat pinis list bilong 20 meri husat i laik resis long dispela provinsal gavman ileksen.

Bai sampela memba bilong WIP i go long Simbu bipo long ilek-

PAULINE LAKI i raitim

sen i stat na helpim ol wan wan kandidat na sapatim ol grup bilong ol meri long Simbu, skulim ol meri long pasin bilong politik na kempein wantaim ol womens' grup long ol meri kendidet i sanap long dispela ileksen.

Givim tingting, painim mani, givim politikal skul na kempein long ol meri i resis insait long Nesenel, Provinsal na Lokal gavman em namba wan wok tru

na as tru long dispela lain WIP i kirap.

Asosiesen i bin oraitim dispela ol kain wok long tupela de kibung long Insevis Koles Mosbi long 21 na 22 Novemba.

Kibung i bin votim gen interim Presiden bipo, Ms Maria Kopkop long holim wok presiden bilong WIP. Na namba tu bilong em, Ms Eleen Tom bilong Sentral Provinsal Gavman, Misis Cathy Guise i kamap sekreteri na Maria Hayes i Tresara.

Namba wan meri

Primia bilong PNG, Misis Enny Moaitz i bin givim toktok long strongim wok bilong WIP. Ol narapela meri husat i bin toktok long dispela kibung em, Nahau Rooney, Josephine Abajjah na Cathy Graham.

Long dispela kibung ol i bin stretim mama lo bilong WIP na stretim olgeta as toktok.

Tupela de bihain tasol long kibung, long Tunde 24 Novemba WIP i kamap memba bilong Nesenel Kaunsil ov Wimen. Ol i tokaut long en long ai bilong Praim Minista, Paias Wingti, Hom Afeas Minista, Mista Eserom Burege, long taim Mista Wingti i bin opim namba 9 kibung bilong Nesenel Kaunsil ov Wimen long Insevis Koles, Mosbi.

Ol kain meri olsem Emily Dirua, Maria Kopkop, Dorothy Tekwei na Frances Deklin i bin kirapim tingting bilong sanapim WIP. Dispela ol meri i lukim olsem i mas i gat kain womens' grup olsem WIP long helpim wanem ol meri i resis long ileksen long olgeta kain gavman.



• Ol nupela Eksekutiv bilong Women In Politics (WIP). L-R: Maria Kopkop (Presiden) Cathy Guise (Sekreteri) Maria Hayes (Tresara) Eileen Tom (Vais Presiden) i no stap.

Em Strongpela Liklik Trakta long dispela Kantri



MASSEY-FERGUSON

1035 4WD

- * Strongpela 4-WIL DRAIV 30 HOSPAWA
- * 12-pela Fowat na 4-pela Rives Spit
- * Smatpela karamap long ol gutpela disk brek
- * Gutpela pawa bilong Tek-Of
- * I gat Ful Sais 3 Poin Hits
- * Strongpela 3 Silinda Disil Ensin
- * I gat smatpela wok sapat bilong pats na sevis
- * I gat bikpela saplai bilong en i stap nau.




ELA MOTORS MASSEY FERGUSON



PORT MORESBY 217036 • LAE 422322 • RABAU 921988 • MADANG 822188 • GOROKA 721844 • MT.HAGEN 521888
WEWAK 862255 • POPONDETTA 297240 • KAVIENG 942132 • KIETA 956083 • KIMBE 935 155 • TABUBIL 589060 • VANIMO 871254

SKRUIM TOK



Lep i go long rait

1. Pikinini Sepik.
3. Poket.
8. Long taim skin i hat bai dispela i kamap.
9. Ka i no inap long ran sapos dispela samting i no stap.
11. Ples bilong ol Maori pipel.
13. Tupela K1..... long wanpela K2.
15. Kaikai ya em i bun bilong PNG nau.
18. Ples sankamap.
19. Pisin i save toktok.
21. Spesel masin bilong katim ol plang o timba.
22. Yusim long pasim ol samting.
23. Mista long Kuanua.
24. Hap diwai bilong stiaim kanu.
25. Long taim man i dai bai ol i putim em insait long dispela.
29. Ples bilong givim sut.
30. Ol lain i bihainim stail bilong narapela lain (olsem long ol singsing).
33. Ol kain kaikai olsem pitpit i gat planti na i save mekim skin bilong man i

- skrap.
35. Namba tri de.
39. Yau.
40. Salensim.
41. Wankain olsem I.
42. Melanesian Alaiens.
43. can I o?
44. Samting i save ran long rot.

Antap i go daun

1. Sampela lain i save raitim dispela hap tok daunbilo tru long wanpela pes long taim ol i raitim pas.
2. Bilas bilong lek.
3. Ples we ol pik i save stap insait long en.
4. Kimbe, Daru, Alotau na Kerema em tripela.
5. Long taim bilong ol tumbuna, ol man i save pasin dispela.
6. On hap tok long Oro.
7. Binen.
9. Long taim bipo.
10. Wanpela distrik long hap bilong Saten Hailans Provins.
12. Pis bilong solwara husat i birua long ol man.

14. Redio Enga em Nek bilong
16. Long pilai soka, taim bal i go insait long umben, em i gol.
17. Solwara i pulap tru long en.
20. Blakpela pisin.
22. Long taim i gat hul long kapa bai dispela samting i kamap.
24. Wanpela pisin bilong wara.
25. Raunim kona.
26. Ol lain i stap long Difens Fos.
27. Memba bilong Palamen.
28. Melanesian Matches Company long Lae i save wokim ol.
31. Namba eit mun.
32. Ol kain kaikai olsem melen, pamken, kukamba na tomato em yu mas planim long dispela.
34. Wapela distrik long hap bilong Saten Hailans Provins.
36. I save helpim yu long smelim samting.
37. Adam namba wan man.

Man i maritim pis meri

BIPO BIPO, tru long taim bilong tumbuna olgeta man long wanpela ples i bin go planim kaikai long gaden. Ol i wok i go inap klostu ples tudak nau na ol i kisim ol samting na wok-abut i go bek long ples.

Tasol wanpela grile manki tasol i stap yet long gaden. Em i tok bai em i slip long gaden na long mon- ingtaim tru bai em i ken wok gen.

Olgeta manmeri i go bek pinis long ples na em wanpela i stap long gaden na em i pilim hangre nogut tru. Orait em i kirap i go long wara na painim pis long kaikai wantaim kol saksak bilong em.

Em i painim pis i go na em i sutim wanpela pis long tok ples mipela kolim Welmow (bikmaus). Long taim man ya i sutim dispela pis, em i lukim olsem pis i go insait long wanpela ston. Dispela pis em i no pis nating, em i wanpela pis meri ya tasol man ya i no save. Long taim pis i go hait manki ya i lukim olsem na em i bihainim wara i go na painim arapela pis gen long kaikai wantaim saksak bilong em.

Em i bihainim wara i go antap na em i sindaun malolo i stap. Na em i no save olsem dispela pis meri i wok long bihainim em i kam. Meri i ya i go kamap na em i singaut long manki ya.

Manki ya i kirap nogut na em i lukluk i go daun long wara na em i lukim dispela meri. Na em i askim, "Yu kam olsem

wanem? Yu mas go bek nau nogut ol lain bilong yu i painim yu kam na paitim mi nating."

Tasol pis meri ya i lap tasol na em i tok, "Mi no gat ol lain bilong mi. Mi wanpela tasol i save stap.

Grile manki ya i pret na wok long rausim meri ya tasol meri i no laik go bek long ples bilong em. Mekim i go nau manki ya i les na em i tokim meri ya olsem bai em i go long gaden bilong em.

Pis meri ya i harim na em i tok tu bai go wantaim manki ya long gaden. Man ya i tingting nogat nau na em i orait long meri ya i go wantaim em. Ol i go kamap long gaden nau dispela pis meri mekim singsing nau na grile manki i slip indai i stap.

Manki ya i slip stap na dispela pis meri i go bek long haus bilong em insait long wara na em i karim ol drai abus na saksak i kam bek. Em i wokim paia na kukim kaikai pinis nau na em kirapim manki ya.

Manki ya i kirap na tupela kaikai ol dispela pis meri i lukim. Long taim manki ya i kaikai pinis skin bilong em i senis. Em i no grile moa na bodi bilong em i kamap bikpela olsem bilong ol bikpela brata bilong em.

Na long bikples, bikpela brata bilong grile manki i tingting long em olsem na long taim meri bilong em i kuk na ol i kaikai pinis, tupela i pasim sampela kaikai bilong em na karim i go bek long gaden. Tupela i go kamap na lukim dispela smatpela man wantaim pis meri ya na ol i ting ol arapela

lain bikos grile manki ya i senis na luk olsem wanpela man tru.

Ol tupela marit i lukim tupela na i askim, "Mipela i painim wanpela manki ya. Yutupela i lukim em tu o nogat?"

Pis meri ya i harim na em i tokim tupela olsem manki ya i go long gaden. Tupela marit i harim olsem na ol i sindaun isi tasol i stap.

Pis meri ya i larim ol sindaun i stap i go na em i kirap kisim buai na kaikai pinis nau na em i tokim ol, "Manki yupela painim em i stap ya. Yutupela i no save lukautim em gut bikos em i bin wanpela grile pikinini. Na mi yet i mekim em i kamap gutpela smatpela man nau olsem na bai mi maritim em."

Long taim bikpela brata bilong grile man ya i harim olsem em i kirap nogut tru na ran i go holim brata bilong em na kraik wantaim. Em i amamas tru long lukim brata bilong em i kamap wanpela smatpela man.

Orait ol i kirap kisim pis meri ya na ol i go bek long ples bilong ol. Manki ya i maritim pis meri na ol i stap gut wantaim.

Meri ya i bin tokim ol, "Long taim yupela i go painim pis, yupela i ken kisim olgeta kain pis, tasol i gat wanpela pis em ai bilong en i nogut. I tambu long kisim dispela kain pis."

Ol man long ples i harim dispela tok na i no save kilim dispela kain pis. Pis meri ya na man bilong em i stap gut long ples. Orait wanpela de ol manki i go painim pis na pikinini bilong bikpela brata i kilim dispela pis em meri ya i bin tokim ol long no



STORI TUMBUNA

ken kilim.

Dispela manki i kilim pis pinis na em i karim i kam na putim i stap long limbum bilong pulmapim wara. Limbum ya i slip i stap arere long haus.

Na pis meri ya i pilim strong tru olsem wanpela samting i mas rong. Orait em i raun i go arere long haus na em i wari nogut tru bikos famili bilong man bilong em i kilim wanpela bilong em yet.

Em i go long haus ba giamanim man bilong em olsem bai em i go pulmapim wara. Em i tok olsem na em i karim limbum na go long wara. Tasol long taim em i kamap long wara em i kalap i go insait long wara na go bek long ples bilong em.

Man bilong em i wet i go, i go na ples i tudak nau. Na long taim meri ya i no go bek ol i go painim em i go na ol i lukim limbum i stap arere long wara. Long taim ol i lukluk i go insait long limbum ol i lukim pis i dai i stap insait.

Em nau ol i save olsem meri ya i mas wari long dispela pis na em i go bek long ples bilong em aninit long wara. Man ya i wari tru tasol em i no inap long kisim bek meri bilong em, meri ya i go bek long ples bilong em pinis.

Em tasol stori bilong mipela long Wes Sepik.


Anton Waipay, P O Box 959, Madang.




THERE ARE ONLY TWO ACCURATE COPIES OF THIS POSTER. SEE IF YOU CAN SPOT THE TWO BELOW... Mark them with a X



WHICH SHADOW BELONGS TO LIONEL?



Mark it with a X



WHICH PICTURE GOES WITH THE NEGATIVE (TOP LEFT)? Mark it with a X

EMTV are the 1ST in PNG to present

BISNIS with host Mark Sapias

Saturday 3.00 pm
Sunday 9.30 pm (G) General

- * Continental Airlines — weekly flights and signs of bigger things to come.
- * Niugini Nius — what does the take-over mean to readers.
- * Weekly market reports — Australia
— New Zealand
— Hong Kong
- * Kina securities share update.

PNG TONIGHT with host Buruka Tau

Thursday 9.30 pm. (G) General


- * PNGs first certified hair dresser
- * George Telek's Painim Wok Band
- * Bride Price-The Kemabolo Village Way.

RETURN TO EDEN Sequel

Tuesday 8.30 pm (AO) Adults Only

Adventures, Revelations, and Promises.

Make a date to Return to Eden every Tuesday at 8.30pm.



EM TV

CHOPPER SQUAD

Tuesday 7.30 pm (PGR) Parental Guidance Required.

Watch out for the Chopper Squad every Tuesday at 7.30 pm on EM TV.

Join in the adventures as a daring helicopter patrol team conquer rough seas, imposing mountains and deep valleys to rescue those in danger.



We're leading the way!

BIRTHDAY GREETINGS

Happy 22nd Birthday to

GORETTI MAREO

She turned 22 on 26 Nov.

Greetings from friends around PNG and in Vanimo, special one from friends namely Rose, Roselyne, Wicky Payline Zema.



At Kairuru special B'day regards from dad and mum, cousins Willy Joycelyne, Oliva, and Keith; also another special one from other mobs Nigel, Feclity and Relda - also at Kairuru.

You so sweet - and TAKE CARE with love from friends.

TOKSAVE

Nau em i tupela yia i go pinis. Brata mi no save harim liklik nius long yu. Sapos yu iukim dispela toksave plis brata traim long rait i kam. Adress: Jay Jay P.O. Box 1982 Boroko o Ring: 252500

PAINIM WANTOK

TOKSAVE i go long Mr WILLIAM WELBEIN. Brata longpela taim nau na mi no save lukim yu. Olsem wanem? Yu lusim tingting long mi? Traim na rait i kam liklik.

KAMILLUS WAIWAI

Aropa, P. O. Box 36 Kieta, NSP

TOKSAVE

WANTOK RIPOTA

Wantok Niuspepa i painim wanpela man o meri husat gat bikpela laik long wok Nius Ripota.

Husat man o meri i laik aplai long dispela wok i mas pinisim Gret 12 long nesenel hauskul o Yunivesiti. Na em i mas gat gutpela mak long Inglis na save gut long Tok Pisin.

Salim pas i kam long dispela adres:

Chief of Staff, Word Publishing Company, P.O. Box 1982, BOROKO

Eplikesen i pas long Fraide, 18 Desemba, 1987.

TOKSAVE

TINGTING I GO PAS LONG MEKIM KAMAP HAP GRAUN BILONG KAMAPIM HAUS.

Aplai long kisim graun nau!

Dipatmen bilong hausung i tingting long stretim graun bilong wokim haus bilong em ol pipel i ken baim long ol dispela senta:

HAGEN, MADANG, MOSBI NA WEWAK.

Sapos yu wanpela bilong ol pipel husat i no save kisim bikpela mani tumas long pe bilong yu tasol yu laik baim graun, orait yu mas aplai i go long Dipatmen bilong Hausung NAU. Mekim olsem bai mipela i kilia long hamas hap graun mipela i mas stretim.

Bai mipela i putim nem bilong yu long wanpela list na yu mas wet inap graun i redi. Tasol mipela i no inap promis olsem bai hap graun i go stret long yu.

Ol pipel husat i gat laik i mas:-

- Man/meri papa long haus na kisim pei aninit long K15,000.00.
- Nogat papa i gat rait long ol narapela gavman graun i stap long ol taun.

Yu husat man/meri i gat laik i mas pulumapim fom i stap daunbilo na salim i go long ol dispela adres:

Department of Housing, P. O. Box 5245, BOROKO.

Provincial Settlement Officer, DOH, P. O. Box 2030, Yomba, Madang.

Provincial Settlement Officer, DOH, P. O. Box 1253, Mt Hagen.

Provincial Settlement Officer, DOH, P. O. Box 630, Wewak.

OLGETA APLIKESAN I PAS LONG 15 DESEMBA, 1987.

Nem: Krimas Man o Meri
Adres:

..... Telepon
Hamas mani yu save kisim K..... long wan yia.
Yu wokmani fultaim: Yes/No. Sapos yu tok Yes, orait putim nem na adres bilong hap yu wok long en

..... Telepon
Hamas mani bai yu givim nau olsem hap pe bilong graun. Kina

NTN GUIDE EM TV

THURSDAY 26 NOVEMBER 87

3.55	NTN	MEDITATION	
3.57	EMTV	STATION OPEN	
3.58	EMTV	EMTV NEWS BREAK	(G)
4.00	NTN	ROMPER ROOM	(G)
	EMTV	SESAME STREET	(G)
4.30	NTN	FAMILY AFFAIR	(G)
5.00	NTN	LITTLEST HOBO	(G)
	EMTV	KIDS KONA	(G)
5.25	NTN	COMMUNITY NOTICE BOARD	(G)
5.30	NTN	MY THREE SONS	(G)
	EMTV	GILLIGANS ISLAND	(G)
6.00	NTN	NTN NEWS SPORT AND WEATHER	(G)
	EMTV	QUICK DRAW MCGRAW	(G)
6.30	EMTV	NATIONAL EMTV NEWS	(G)
6.35	NTN	M*A*S*H	(G)
7.00	NTN	NEW DICK VAN DYKE SHOW	(G)
	EMTV	HAPPY DAYS	(G)
7.29	NTN	BIG DOG GOODNIGHT	(G)
7.30	NTN	A COUNTRY PRACTICE	(PGR)
	EMTV	SOME MOTHERS DO AVE EM	(G)
8.00	EMTV	AND MOTHER MAKES THREE	(G)
8.28	EMTV	EMTV NEWS UPDATE	(G)
8.30	NTN	MAGNUM P.I.	(PGR)
	EMTV	SPECIAL SQUAD	(AO)
9.30	NTN	PNG FU	(PGR)
	EMTV	PNG TONIGHT	(G)
10.00	EMTV	BENSON	(G)
10.30	EMTV	STATION CLOSE	
10.30	NTN	NTN LATE NEWS	(G)
11.00	NTN	MEDITATION	
11.05	NTN	STATION CLOSE	

FRIDAY 27 NOVEMBER 1987

3.55	NTN	MEDITATION	
3.57	EMTV	STATION OPEN	
3.58	EMTV	EMTV NEWS BREAK	(G)
4.00	NTN	ROMPER ROOM	(G)
	EMTV	SESAME STREET	(G)
4.30	NTN	FAMILY AFFAIR	(G)
5.00	NTN	LITTLEST HOBO	(G)
	EMTV	KIDS KONA	(G)
5.25	NTN	COMMUNITY NOTICE BOARD	(G)
5.30	NTN	MY THREE SONS	(G)
	EMTV	TOM AND JERRY	(G)
6.00	NTN	NTN NEWS SPORT AND WEATHER	(G)
	EMTV	QUICK DRAW MCGRAW	(G)
6.30	EMTV	NATIONAL EMTV NEWS	(G)
6.35	NTN	M*A*S*H	(G)
7.00	NTN	GOOD TIMES	(G)
	EMTV	THE EM REPORT	(G)
7.29	NTN	BIG DOG GOODNIGHT	(G)
7.30	NTN	ALF	(G)
	EMTV	FAME	(G)
8.00	NTN	WHO'S THE BOSS	(PGR)
8.28	EMTV	NEWS ROUND UP	(G)
8.30	EMTV	MOVIE	(PGR)
	NTN	To Sir with love.	
	NTN	MINISTRIES-AWAKENING LAND 'PREMIERE'	(PGR)
10.20	NTN	NTN LATE NEWS	(G)
10.30	EMTV	STATION CLOSE	
10.50	NTN	MEDITATION	
11.50	NTN	STATION CLOSE	

SATURDAY 28 NOVEMBER 87

11.55	NTN	MEDITATION	
12.00	NTN	GOOD AFTERNOON PNG	(G)
12.30	NTN	BIG DOG AND FRIENDS	(G)
1.30	NTN	SOUNDS	(G)
2.57	EMTV	STATION OPEN	
2.58	EMTV	EMTV NEWS BREAK	(G)
3.00	EMTV	BORN FREE	(G)
4.00	NTN	NTN SPORTCENTRE	(G)
	EMTV	BATMAN	(G)
4.30	EMTV	BIG LEAGUE SOCCER	(G)
5.30	EMTV	RIPLEY'S BELIEVE IT OR NOT	(G)
6.00	NTN	NTN NEWS SPORT AND WEATHER	(G)
6.30	EMTV	NATIONAL EMTV NEWS	(G)
6.35	NTN	WHIZ KIDS	(G)
7.00	EMTV	BORN FREE	(G)
7.29	NTN	BIG DOG GOODNIGHT	(G)
7.30	NTN	SATURDAY NIGHT MOVIE	(G)
	EMTV	Who's minding the mint?	
8.00	EMTV	BJ AND THE BEAR	(PGR)
8.58	EMTV	EMTV NEWS UPDATE	(G)
9.00	EMTV	MOVIE	(PGR)
	EMTV	Run Simon run.	
9.15	NTN	WORLD CHAMPIONSHIP WRESTLING	(G)
10.15	NTN	DETECTIVE IN THE HOUSE	(PGR)
10.45	EMTV	STATION CLOSE	
11.15	NTN	NTN LATE NEWS	(G)
11.45	NTN	MEDITATION	
11.50	NTN	STATION CLOSE	

SUNDAY 29 NOVEMBER 87

1.25	NTN	MEDITATION	
1.30	NTN	JIMMY SWAGGART	(G)
	EMTV	MINISTRIES	
2.30	NTN	PERSPECTIVE	(G)
2.57	EMTV	STATION OPEN	
2.58	EMTV	EMTV NEWS BREAK	(G)
3.00	NTN	ADVENTURES OF BLACK BEAUTY	(G)
	EMTV	K.T.V.	
3.30	EMTV	BONANZA	(G)
3.45	NTN	MOVIE	(G)
	EMTV	African treasure.	
4.30	EMTV	SPORTS WORLD	(G)
5.00	NTN	YOUNG TALENT TIME	(G)
5.30	EMTV	SOLID GOLD	(G)
6.00	NTN	NTN NEWS SPORT AND WEATHER	(G)
6.30	EMTV	NATIONAL EMTV NEWS	(G)
6.35	NTN	WONDERFUL WORLD OF DISNEY	(G)

7.00	EMTV	WEBSTER	(G)
7.29	NTN	BIG DOG GOODNIGHT	(G)
7.30	NTN	LOVE BOAT	(PGR)
	EMTV	MOVIE	(PGR)
		A love affair.	
8.30	NTN	SUNDAY NIGHT MOVIE	(AO)
		Fat city.	
9.14	EMTV	EMTV NEWS UPDATE	(G)
9.15	EMTV	BISNIS	(G)
10.15	EMTV	SOFTBALL HIGHLIGHTS	(G)
10.25	NTN	NTN LATE NEWS	(G)
10.45	EMTV	STATION CLOSE	
10.55	NTN	MEDITATION	(G)
11.00	NTN	STATION CLOSE	

MONDAY 30 NOVEMBER 87

3.55	NTN	MEDITATION	
3.57	EMTV	STATION OPEN	
3.58	EMTV	EMTV NEWS BREAK	(G)
4.00	NTN	ROMPER ROOM	(G)
	EMTV	SESAME STREET	(G)
4.30	NTN	BEATING AROUND THE BUSH	(G)
5.00	EMTV	KIDS KONA	(G)
	NTN	LITTLEST HOBO	(G)
5.25	NTN	COMMUNITY NOTICE BOARD	(G)
5.30	NTN	MY THREE SONS	(G)
	EMTV	SKIPPY	(G)
6.00	NTN	NTN NEWS SPORT AND WEATHER	(G)
	EMTV	QUICK DRAW MCGRAW	(G)
6.30	EMTV	NATIONAL EMTV NEWS	(G)
6.35	NTN	M*A*S*H	(G)
7.00	NTN	DIFFERENT STROKES	(G)
	EMTV	HAPPY DAYS	(G)
7.29	NTN	BIG DOG GOODNIGHT	(G)
7.30	NTN	SOGERI SING SING Special	(G)
	EMTV	FLYING DOCTORS	(G)
8.28	EMTV	EMTV NEWS UPDATE	(G)
8.30	NTN	IT TAKES A THIEF	(PGR)
	EMTV	MINI SERIES	(AO)
		The key to Rebecca. Premiere.	
9.30	NTN	QUINCY	(PGR)
10.30	NTN	NTN LATE NEWS	(G)
	EMTV	EM REPORT	
11.00	NTN	MEDITATION	(G)
	EMTV	STATION CLOSE	
11.05	NTN	STATION CLOSE	

TUESDAY 1 DECEMBER 87

3.55	NTN	MEDITATION	
3.57	EMTV	STATION OPEN	
3.58	EMTV	EMTV NEWS BREAK	(G)
4.00	NTN	ROMPER ROOM	(G)
	EMTV	SESAME STREET	(G)
4.30	NTN	BEATING AROUND THE BUSH	(G)
5.00	NTN	LITTLEST HOBO	(G)
	EMTV	KIDS KONA	(G)
5.25	NTN	COMMUNITY NOTICE BOARD	(G)
5.30	NTN	MY THREE SONS	(G)
	EMTV	FLINSTONES	(G)
6.00	NTN	NTN NEWS SPORT AND WEATHER	(G)
	EMTV	QUICK DRAW MCGRAW	(G)
6.30	EMTV	NATIONAL EMTV NEWS	(G)
6.35	NTN	M*A*S*H	(G)
7.00	EMTV	HAPPY DAYS	(G)
	NTN	BRIAN KEITH SHOW	(G)
7.29	NTN	BIG DOG GOODNIGHT	(G)
7.30	NTN	A COUNTRY PRACTICE	(PGR)
	EMTV	CHOPPER SQUAD	(G)
8.28	EMTV	EMTV NEWS UPDATE	(G)
8.30	NTN	THE QUEST	(AO)
	EMTV	RETURN TO EDEN	(PGR)
9.30	NTN	CRAZY LIKE A FOX	(PGR)
	EMTV	EMTV SPORTS SCENE	(G)
10.30	NTN	NTN LATE NEWS	(G)
	EMTV	STATION CLOSE	
11.00	NTN	MEDITATION	
11.05	NTN	STATION CLOSE	

WEDNESDAY 2 DECEMBER 87

3.25	NTN	MEDITATION	
3.27	EMTV	STATION OPEN	
3.28	EMTV	MTV NEWS BREAK	(G)
3.30	NTN	GOOD AFTERNOON PNG	(G)
	EMTV	JAZZERCISE	(G)
4.00	NTN	ROMPER ROOM	(G)
	EMTV	SESAME STREET	(G)
4.30	NTN	BEATING AROUND THE BUSH	(G)
5.00	NTN	LITTLEST HOBO	(G)
	EMTV	KIDS KONA	(G)
5.25	NTN	COMMUNITY NOTICE BOARD	(G)
5.30	NTN	MY THREE SONS	(G)
	EMTV	FLIPPER	(G)
6.00	NTN	NTN NEWS SPORT AND WEATHER	(G)
	EMTV	QUICK DRAW MCGRAW	(G)
6.30	EMTV	NATIONAL EMTV NEWS	(G)
6.35	NTN	M*A*S*H	(G)
7.00	NTN	MY FAVOURITE MARTIAN	(G)
	EMTV	HAPPY DAYS	(G)
7.29	NTN	BIG DOG GOODNIGHT	(G)
7.30	NTN	KNIGHT RIDER	(PGR)
	EMTV	ALL CREATURES GREAT AND SMALL	(G)
8.28	EMTV	EMTV NEWS UPDATE	(G)
8.30	NTN	MURDER SHE WROTE	(PGR)
	EMTV	MOVIE	(AO)
		Help wanted: male!	
9.30	NTN	T.J. HOOKER	(PGR)
10.25	EMTV	STATION CLOSE	
10.30	NTN	NTN LATE NEWS	(G)
11.00	NTN	MEDITATION	
11.05	NTN	STATION CLOSE	

G GENERAL EXHIBITION
PGR PARENTS GUIDANCE REQUIRED
AO ADULTS ONLY

Long Beng ov Saut Pasifik, em i isi tru long sevim mani long taim bilong haus bilong yu yet.

Go for Goal!

Statim wanpela Beng ov Saut Pasifik 'Goal' seving akaun tude...em yu bihainim gutpela rot!

1 Em i isi. Yu yet tingim wanem 'GOAL' yu laikim long taim yu opim akaun.

man bai askim yu ol kain kain kwesten. Nogat.


2 Mipela bai givim yu 'Goal' diposit buk i gat K10 o K20 ol mak bilong mani long en.

4 ... Bai yu kisim gutpela Intères-mani. Bikos long ol 'Goal' akaun, i no inap yu autim mani bilong yu. Inap long taim yu inapim 'Goal' o mak yu yet i makim, orait, yu ken rausim mani. Bai mipela i givim gutpela interes inap long 6.5 pesen long olgeta mani i winim K100.

3 Long taim yu laik putim mani long beng, yu givim tasol mani na ol pepa i makim hamas mani yu laik putim the insait long akaun. Em tasol. No gat

SEVIM MANI LONG

- Wok stretim bilong haus
- Skul fi
- Ka registresen na insurens
- Ol nupela tebol na sia samting bilong haus
- Baim tiket long go long ples
- Sevim mani long helpim yu kisim lonmani



Raitimaut olgeta toktok long dispela fom na kisim i go long wanpela hanopis bilong Beng

long yu.



Nem:

Adres:

Mi laik statim

'GOAL' bilong mi em i: My Goal is:

Mi ting mi ken sevim K.... olgeta mun.

Port Moresby, Boroko, Waigani, Lae, Mt. Hagen, Rabaul, Arawa, Kieta, Buka, Kundiawa, Banz, Wabag.

GO FOR GOAL!
Sevim mani long wanpela isi we tru long Beng ov Saut Pasifik

PORT MORESBY WOMEN'S SOFTBALL GRAND FINAL 28 NOVEMBER 1987

TIME	GRADE	FIELD	TEAMS	JAPPE	SCORE	PLAYERS	
10.00	D	1	H Discount v Medics	R.Kassman C.Hopkins	4.00 A 1	Wantoks v Mazda	J.Bampton E.George M.Bakou M.Tonga
12.00	C	1	Tarangau v Colum. Ln	M.Karo M.Barkou			
2.00	B	1	Dodgers v NGI	A.Kerepia M.Waine	12.00 E 2	Fuji v Royals	R.Patia Mazda

Mosbi sofbal gren fainal

Las sans bilong Mazda long autim Wantok

KWIN bilong Mosbi sofbal Wantok bai bungim gen birua tim Mazda namba tu taim bilong bikpela gren fainal bilong Mosbi Wimens Sofbal long dispela wik Sarere.

Dispela tupela tim i bin bung las yia long gren fainal na Wantok i bin winim Mazda.

Dispela gem i no kamap yet tasol planti toktok i bin kamap pinis husat tru bai winim dispela taitel. Planti i tok Wantok na sampela lain i tok Mazda. Tasol husat tru?

Mazda em i lapun bilong winim gren fainal na Wantok i winim las yia tasol. Sapos ol i winim Mazda long dispela wiken, em bai namba tu taim Wantok bai win. Tasol yumi wet na lukim fainal.

Tupela tim wantaim i strongpela tim. Mazda na Wantok i gat wankain strong

HENRY MORABANG i raitim

Wantoks

Pitcher	-	Joan Toliman
Catcher	-	Bowie Konerus
First Base	-	Dinah Tolopa
Second Base	-	Sally Eremia
Third Base	-	Winnie Pueh
Shortstop	-	Kolish Diap
Left	-	?
Centre	-	Elizabeth Union
Right	-	?

Mazda

Pitcher	-	Pitbat Mamalau
Catcher	-	Mary Passangan
Fist Base	-	Agnes Niiba
Second Base	-	Kinibo Vagi
Third Base	-	Dorcias Oris
Shortstop	-	Emma Kalas
Left	-	Sheila Robert
Centre	-	Shirley Gogat
Right	-	Monica Komitagera

tasol long sampela eria bilong pilai wanpela tim i winim arapela. I gat tripela samting i save strongim sofbal tim - gutpela pitsa, gutpela infil na smatpela autfil pilaja.

Tupela pitsa Joan Toliman (Wantok) na

Pitbat Mamalau (Mazda) em ol smatpela meri long tromoi bal. Misis Toliman i gat namba tru long pitsa bikos em i autim taitel bilong nambawan pitsa long kantri long Nesenel Sofbal Sempiensip long Lae las yia. Na

tu em i winim namba wan pitsa taitel long sofbal sempien long Rabaul.

Tasol Mis Mamalau i wankain. Em i risev pitsa long Misis Toliman long dispela sempiensip long Lae. Na em i save pinis long ol kain trik bilong Toliman.

Tupela pitsa wantaim i save tromoi bal strong. Tasol Toliman i mas traim stretim ol rong bilong em long haibal. Pitbat i orait tasol sapos bal bilong em i gat spit, em bai kamapim sampela hetpen long ol lain Wantok.

Na long infil tupela tim wantaim i gat ol gutpela pilai. Kepten Emma Kalas bilong Mazda bai go pas long dispela pilai bilong lukautim infil eria. Las wik em i bin pilai gut tru egens long ol Siule.

Insait long dispela rekot bilong win. Wantok i bin lus wanpela taim tasol long Fuji. Na Mazda i bin lus tripela taim olgeta, wanpela taim em long Fuji tu.


Mazda i gat tripela nesenel pilai Emma Kalas, Mary Passangan na Pitbat Mamalau na dispela i ken helpim tim bilong ol long autim Wantok.

Dispela wik Mazda bai traim long winim Wantok bikos olgeta eria bilong fil i strong tru. Autfil bilong ol i gat ol gutpela wasmeri long ketsim bal.

Wantok, i gat ol intanesenel pilaia olsem Dora Malum, Joan Toliman na Kolis Diap bai go pas long tim long autim taitel namba tu taim gen.

Sotstop bilong Wantok Kolis Diap i bin soim gutpela pilai las wik long taim ol i bin pait wantaim Mazda.

WANTOK



• Esther William - top pitsa bilong Dodgers. Em inap helpim tim bilong em o?

Dodgers i gat sans long autim B gret taitel

HENRY MORABANG i raitim

INSAIT long B gret gren fainal bilong ol meri long Mosbi Dodgers bai pilai egens long NGI long painim aut husat i bai bosim sofbal taitel bilong B gret long dispela yia. Las yia Dodgers i winin dispela taitel long Manalos na nau bai ol i traim long holim yet dispela taitel.

Dispela pilai namel long NGI na Dogers bai wanpela gutpela pilai stret. Pilai i no kamap yet na olgeta man i tokaut pinis olsem Dogers bai winim yet dispela gren fainal long B gret. Pitsa bilong Dodgers tim Esther William i holim stia bilong winim gren fainal.

Rekot bilong Dodgers long 1987 sisen i gutpela tru. Ol i winim olgeta gem bilong ol. Na dispela i soim tru olsem Dodgers bai win yet. Las yia ol i kamap maina primia na tu ol i autim taitel. Nau long 1987 i wankain. Ol i kamap maina primia na nau bai ol i wet tasol long autim taitel.

Infil bilong Dodegrs tim i gutpela tru. Ol pilaia long dispela eria i smat na ol i save pilai strong long autim birua bilong ol. Sotstap bilong Dodgers, Helen Eliab, June Mica long namba tu bes ba Wilma Utung long namba tri bes bai givim sampela hatwok liklik long ol lain beta bilong NGI.

Tasol i no gat wanpela man i ken daunim nem bilong NGI. Ol i

strong yet long winim dispela taitel. Planti man i ting Mazda na Dodgers bai win tasol wara i wasim. Ol NGI i pulim ol man husat i save bihainim sofbal na givim TKO long Mazda las wik.

Las wik, NGI i bin givim hatwok liklik long Dodgers insait long eliminesen fainal. Bikos ol i gat tupela pitsa husat i save soim kain stail bilong ol. Wanpela pitsa bilong NGI i save isi na narapela i save strong na dispela pasin i paulim beta.

Yangpela Rolly i bin givim sampela hatwok liklik las wik long Mazda na em bai kamap gen long holim wok olsem pitsa long gren fainal egens long Dodgers.

Lóng rekot bilong tupela tim ya, NGI i winim Dodgers insait long namba wan raun 15-13 tasol long namba tu raun Dodgers i bekim dinau na nilim NGI 18-2. Tupela wik i go pinis long eliminesen fainal Dodgers i strong yet na autim NGI 11-4. Na NGI i winim Mazda, olsem na Dodgers i mas opim ai bilong em long winim NGI. Sapos no gat Dodgers i mas traim gen neks yia.

Ol spot rita i bihainim sofbal bai tokim husat poroman i no save long sofbal husat bai winim ol pilai. Na long C gret Columbus Line bai traim strong bilong Tarangau.



• Dispela kain pilai bilong ol meri Wantok long bung wantaim na pilai bai kilim indai olgeta sans bilong Mazda long winim dispela gren fainal resis.

Morobeen

- Biscuit makers to P.N.G.

WANTOK SPOT

Kumul kepten tokaut long raun bilong ol

PLANTI tok kros i kamap olsem ol Kumul Ragbi pilaia i no pilai gut long raun bilong ol long Ingran na Frans.

Planti pipel i kros na tok olsem kosa bilong tim yet, Barry Wilson i bin mekim dispela

tim i pundaun long gem bilong ol wantaim Ingran na Frans.

Ol arapela lain i tok olsem em i no makim sampela gutpela pilai bilong mipela long dispela tim, olsem na ol Kumul i lus.

Wanpela man husat i karim bikpela hevi



• PNG Kumul tim bilong 1987. Planti toktok i kamap long raun bilong ol long Frans na Ingran.

JOSEPH KAU i raitim

em, kepten bilong Kumul tim Bal Numapo. Numapo i bin toktok wantaim *Wantok* long taim ol i bin kam bek long PNG long Fraide 20 Novemba.

Numapo i tok olsem asua i no stap long Kosa o ol pilaia. Em i tok olgeta pilaia husat i bin stap long Kumul tim i bin pilaia gut tru.

"Mipela inap long winim Ingran na Frans. Ol i bin laki long winim dispela gem. Long lukluk bilong mi PNG i bin gat nambawan tim long ol dispela gem," em i tok.

Numapo i tok olsem Wilson em wanpela gutpela kosa tasol ol pilaia yet bagarapim ol.

Em i tok Wilson i save givim gutpela skul na trening long ol pilaia tasol husat pilaia i no harim tok na bihainim trening program i bagarapim tim na em yet tu.

Em i tok stail bilong gem ol Kumul i wankain olsem gem bilong ol Ingran. Em i tok olsem nambawan tim bilong ragbi em tim bilong Australia. Nu Silan i namba tu na Ingran wantaim Papua Niugini i kamap namba 3. Ol arapela kantri i kam bihain.


Bihain long dispela raun bilong ol Kumul planti pilaia long tim i kisim askim long pilai wantaim ol tim long Ingran na Frans. Dispela i soim olsem ol pilai bilong PNG inap long pilai gutpela gem long Ingran na Frans.

Bal Numapo yet i bin kisim sampela askim long Featherstone Rovers klap long Ingran. Dispela klap i givim em tupela wik tasol long bekim askim bilong ol. Bumapo inap long stap bek na pilai long Ingran wantaim dispela klap, tasol em i tok em i laik kisim tingting bilong famili bilong em pastaim.

Numapo bai go bek long Ingran sapos meri na pikinini bilong em i amamas long dispela askim.



• Bal Numapo



• Barry Wilson

Macgregor 1 bagarapim las gem bilong Plis ragbi tas

TENSPOT i putim top gia bilong ol na abrusim olgeta tim nau long Bomana Plis Koles Tas Ragbi resis. Long gem bilong ol las wik ol i autim Kapenta/Dogs 3-0.

Dispela em i wanpela strongpela gem na Trensport i laki tru long winim dispela gem. Kapenta/Dogs i banisim olgeta rot bilong Trensport long namba wan hap na ol i no skoim wanpela poin.

Long namba tu hap Trensport i putim 4-wil na wanpela "draiva" bilong ol Michael Bauba i kikim ol poin bilong Trensport. Elliot Kopi na Clement Tamajambi i traime hat tru long brukim kiau bilong ol tasol ol arapela lain bilong ol i no givim ol gutpela sapot.

Long namba wan gen RTW i putim olgeta strong bilong ol long autim las tim Macgregor 2. Macgregor i bin go pas long dispela gem i go inap klostu gem i pinis. Joseph Wate i skoim las trai na RTW i winim gem. Dispela gem i soim olsem ol lain bilong Macgregor i kamap wanpela strong tim nau na ol arapela i mas lukaut.

Long las gem ol lain bilong Macgregor 1 i autim Konjo 12-0 tasol ol i no winim dispela gem long rait pasin. Planti pilaia bilong Macgregor 1 i bikmaus nabaut long ol pilaia bilong Konjo na tu long reperi.

Planti yangpela man i pilai long Konjo na long taim Macgregor i autim dispela kain bikhet ol i pret long pilai.

Planti taim ol i bikmaus long reperi na i kirapim bel bilong ol lain bilong Konjo. Klostu wanpela pait i kirap tasol kepten bilong Konjo Soka Toligai yet i daunim belhat bilong ol pilaia bilong em. Dispela kain pasin i no gutpela long kam long ol plisman na tu

long dispela ragbi resis.

Long dispela taim ol bikman bilong dispela resis i no mekim wanpela toktok yet tasol sapos ol i ken mekim save long Macgregor long mekim dispela pasin long gem, em bai gutpela.

George Revisit yet i bin pilai gut tru long Macgregor. Toligai i go pas long ol lain bilong em long Konjo na Herman Ipai i bihainim em gut tru. Tasol ol arapela lain bilong ol i bin pret na i no pilai gut.

Long dispela wik Konjo bai bekim dinau long taim ol i pilai wantaim Macgregor 2. Toligai na Ipai bai autim ol stail bilong ol long bagarapim Macgregor. Dispela gem bai wanpela strongpela gem tasol Konjo bai autim Macgregor.

Long namba tu gem TDU bai stap aninit yet long dispela resis long taim ol i bungim Trensport. Michael Bauba, Alfred Kumasi na Joseph Gamini bai go pas long Trensport long dispela gem. Dispela tripela man i bin buk bilong Trensport i kam inap nau na i bek olsem TDU i no inap bekim strongpela pilaia bilong Trensport.

Las gem bai kamap namel long Macgregor 1 na Kapenta/Dogs. Dispela gem bai wanpela strongpela gem tru na ol lain bilong Macgregor 1 i no inap bikhet tumas na i dog nogut tu i stap long Kapenta/Dogs.

I luk olsem ol lain Kapenta bai hama'im stret Macgregor. Elliot Kopi na Clement Tamajambi bai stretim rot bilong Kapenta/Dogs long dispela gem na sapos ol i ken banisim George Revisit na Charlie Daingo, Macgregor bai painim ples. Tasol sapos ol lain Macgregor i lusim spak pasin bilong ol na pilai bai gem i strong moa.

PORT MORESBY MEN'S SOFTBALL ASSOCIATION WEEK 7 - 29 NOVEMBER 1987

TIME	GRADE	FIELD	TEAMS
9.00	D	1	Nissan v Fuji
10.30	A	1	Malangan v B.Eagles
12.00	A	1	Mazda v Nissan
1.30	A	1	Hino NGI v ELCOM
3.00	A	1	Fuji v Karanas
4.30	A	1	Int.Delight v Hawks
9.00	D	3	Dodgers v ESA
10.30	B	3	Aviat v Yokomo
12.00	B	3	Bodiam v Malangan
1.30	B	3	Mazda v Nissan
3.00	B	3	ELCOM v Manalos
4.30	B	3	Chebu v NGI
9.00	D	2	De Lasalle v Manalos
10.30	C	2	Adcol v Uni
12.00	C	2	Hawks v Fuji
1.30	C	2	Karanas v Bomana
3.00	C	2	B.Eagles v Colum. Ln
4.30	C	2	Aviat v Hoodsco
9.00	D	4	
10.30	D	4	Chebu v Aviat
12.00	D	4	Bargam v Yokomo
1.30	D	4	
3.00	D	4	
4.30	D	4	

Gate One: W.Peni
Gate Two: ESA

Ol Wes Sepik distrik bai resis gen long Karl Stack Sil

ARI HABA
i raitim

BIKPELA kik resis kamap long 4 long Amanab stesin long Wes Sepik. Desemba na pinis long 6 Desemba Dispela soka resis i



• Sempion tim bilong Karl Stack Soka Sil, 1986.

save kamap namel long ol distrik bilong Wes Sepik yet. Dispela yia em i namba tri taim ol distrik bai holim dispela bikpela soka resis.

Man i go pas long stretim ol wok bilong dispela tonamen Leo Yeminten i tokim Wantok olsem olgeta samting i redi pinis. Na ol i wetim tasol de bilong statim kik.

Em i tok dispela resis bai stap long tupela divisen. Sampela tim bai stap long pul A na B. Tasol i gat bikpela hevi nau bikos i gat wanpela filo pilai graun tasol long holim dispela tonamen long Amanab.

Rijinal memba bilong Wes Sepik,

Karl Stack i lukim olsem ol tim bilong Wes Sepik i save tromoi bikpela mani long kik long Is Sepik long Somare Kap olsem na em i statim dispela tonamen. Em i givim wanpela sil na ol distrik insait long Wes Sepik provins i ken resis long winim.

Mista Yeminten i tok long 1985 ol i bin holim dispela Karl Stack Soka Tonamen namba wan tim long makim 10-pela yia bilong Indipendens bilong Papua Niugini. Na ol i bin holim namba wan tonamen long Aitape.

Em i namba wan taim bilong ol distrik tim long kik na olgeta tim i bin lus. Na Vanimo 1 na Vanimo 2

i bin kik long gren fainal.

Tasol long 1986, Aitape i bin strong moa na daunim Vanimo 1 na kisim sil. Dispela taim tu Nuku i bin kalapim olgeta arapela distrik tim na ol i kisim namba tu prais.

Long dispela yia Nuku, Amanab, na Aitape i toktok pinis long autim 1987 taitel. Taim bilong kik i no kamap yet tasol i gat strongpela tok win olsem ol lain Amanab i bai winim dispela kik.

Kepten kosa bilong Aitape tim i tok em bai no inap givim sans long ol arapela tim. Em i tok Aitape bai winim dispela sil gen.

Tim manesa bilong

Amanab, Leo Yaminten i tok em bai sapatim toktok bilong Gerard Gubon. Em i bin go pas na ol i winim sil orait sapos em i mekim promis long holim sil inap long tupela arapela yia i tok tasol.


Vanimo tim i no redi yet. Tasol wanpela liklik ples long Wes kos bilong Vanimo taun Yako bai bringim nem bilong Vanimo sapos ol i no redi yet.

Presiden bilong soka Peter Solo i tok Vanimo soka i bin indai long seken raun.

Na nau yet em i no kisim gutpela toksave yet olsem bai i gat tim bilong 1988 o nogat.

MAZDA VS SIULE

Ol poto
HENRY MORABANG



• Rose Apelis bilong NGI tim bai go pas long tim bilong em long traime strong bilong Dodgers. Ol Dodgers i mas lukaut long em tu ya tasol Dodgers i no wari tumas Esther William bai sevim laip bilong ol.



• Pitsa bilong Siule Claire Raymond (givim baksait) i sambai long poroman bilong em nogut bal bai pundaun. Dispela gem i bin kamap namel long Mazda na Siule tasol Siule i bin lus.



• Bosmeri bilong namba wan bes bilong Mazda Angnes Niibi i ketsim bal. Sori tumas Siule ating bai yu mas traime gen neks yia. Nau Angnes Niibi bai soim strong bilong em gen egens long Wantok long dispela gren fainal.



• Ketsa bilong Mazda Mary Passingan i sindaun redi long ketsim bal. Passingan i laki tru long winim Siule ya.

WANTOK

NIUSPEPA BILONG PAPUA NIUGINI STRET

SPAK MIKE



AIYAAA!!
OL RASKOL
I LAIK KILIM
MI!!



MIKE I ROKET STRET NA
EM I NO LUKIM WANPELA
HUL LONG ROT...

MIKE I PUNDAUN KRANGI STRET
TASOL EM KIRAP NA SIKSTI...



MIKE I NO HARIM SINGKIT
EM RON TASOL...

HOLIM EM!!
PAITIM EM!!

TARANGU MIKE I
SOT WIN...



OL RASKOL I KAMAP
NAU PAIT I KIRAP...



TASOL NOGAT MIKE I KIRAP
NA KUNFU LONG OL...



OL RASKOL PRET NA
KALAP LONG KA NA
TEK-OFF...

SCREECH!!
KAM
BEK NA
PAIT!!
o!?

MIKE I KUNFU LONG
OL RASKOL NA OL I
RONAWE! RITIM NEKS WIK!

GOODYEAR

The Choice of Champions



TIMBER KING
LOGGING &
HAULING
TRUCK TYRE




G291
UNISTEEL
HIGHWAY
RADIAL TRUCK TYRE



G186
UNISTEEL
ON/OFF ROAD
RADIAL TRUCK TYRE




HI-MILER
G8
HIGHWAY TYRE



G100
ON/OFF ROAD
TRUCK TYRE

REBO

BIRUA I STAP WANTAIM
OL KUMULS OLSEM NA
OL I LUS LONG FRANS..



BEL KROS BILONG
REBO I STAP YET..
EM STATIM PAIT GEN
WANTAIM OL ARAPELA
PORO BILONG EM...



KOSA I TRAM STRETIM
OK TOK WANTAIM REBO
TASOL EM BIK HET NA
RONAWE I GO LONG
TAUN...



LONG TAUN EM BUNGIM
SAMPELA RASKOL...



OL RASKOL GRISIM EM
LONG KISIM SAMPELA
MONI LONG EM...



WANEM SAMTING BAI
KAMAP LONG REBO GEN?
RITIM NEKS WIK NA SAVE!

GOODYEAR
The Choice of Champions

CALL FOR THE BEST PRICES
WITH BEST SERVICE
AND HAVE A GOOD YEAR
WITH GOODYEAR.

GOROKA
Ph: 72 1848
Al's Auto Repairs
Pty. Ltd.

MADANG
Ph: 82 2433

LAE
Ph: 42 1144

RABAUL
Ph: 92 2757
92 2777


MT HAGEN
Ph: 52 1715

POPONDETTA
Ph: 29 7175

PORT MORESBY
Ph: 25 5255

ARAWA
Ph: 95 1566
95 1516

ALOTAU
Ph: 61 1167
Milne Bay
Enterprises



BOROKO MOTORS

• PORT MORESBY PH 25 5255 • LAE PH 42 1144 • RABAUL PH 92 2777 • MT HAGEN PH 52 1715 • MADANG PH 82 2433
• TABUUBI PH 58 1311 • ARAWA MOTORS PH 95 1566 • HIGATURU MOTORS PH 29 7175

PINIKI

BOS I GIAMANIM MERI BILONG EM OLSEM EM BIN WOK NA DRING WANTAIM.

NUPELA BASET BILONG 1988 I KAM...NA MIPELA WOK (HIC)..OVATAIM NA...MIPELA DRING..LONG OPIS..!

NAI EM GO SILIP..

BOS I KIRAP LONG BIKMONING TRU NA REDI LONG GO WOK...

HEY OLSEM WANEM NA YU LAIK GO WOK LONG BIKMONING A?!

I GAT PLANTI WOK!

MERI I HATIM EM...

GIAMAN BILONG YU!! WOK BILONG YU EM DRING TASOL!!

LONG KA BOS I TINGTING LONG PINIKI...

OH PINIKI YU LEWA STRET! BAI MI KAM KISIM YU! YU WET!!

BOS I STOP AUTSAIT LONG LORETO HOSTEL NA ASKIM LONG PINIKI...

PINIKI! WANPELA LAPUN LAIK LUKIM YU VA!!

PINIKI I TING ANKOL BILONG EM I KAM NA EM SIKSTI I KAM AUT...

HEY PINIKI I STAP O NOGAT?

HUSAT YA?

RITIM NEKS WIK LONG WANEM SAMTING BAI KAMAD!!

See the complete line of over-the-road truck tyres by Goodyear.



WHANGLER
THE ALL PURPOSE 4WD RADIAL TYRE



NCT

GRAND PRIXS 70



G800 GRAND RALLY

FABRIC BELTED RADIAL



BOROKO MOTORS

•PORT MORESBY PH 25 5255 •LAE PH 42 1144 •RABAUL PH 92 2777 •MT HAGEN PH 52 1433 •MADANG PH 82 2433
•TABUBI PH 58 3311 •ARAWA MOTORS PH 95 1566 •HIGATURU MOTORS PH 29 7175



TRADITIONALLY THE NAME
ASSOCIATED WITH PERFECTION
IN CIGARETTES
BENSON & HEDGES

STERLING

Special Mild



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.